

928
4
14

陳迦陵文集

一四



迦陵詞全集卷二十六
宜興陳維崧其年著

弟 維岳緯雲
宗石子萬 叅閱

男履端

姪賜薛


校

選

丹鳳吟

送別友人和雲臣韻

細數頻年游處舞榭鶯梳歌筵燕掠墊巾側帽雙倚東風
院落簾紋新染水烟小定更憶溪邊畫橈斜閣似夢如塵
情緒事去凝思花影還簸墻角 今夜陽關怕唱玉樽漱
灑持旋却若到無諸國有連天嘶馬匝樹飛鵲輕紅荔子



迦陵詞全集卷二十六
宜興陳維崧其年著

選

弟 維岳緯雲 叅閱

宗石子萬

男履端 校

姪賜薛

丹鳳吟

送別友人和雲臣韻

細數頻年游處舞榭鶯梳歌筵燕掠墊巾側帽雙倚東風
院落簾紋新染水烟小定更憶溪邊畫橈斜閣似夢如塵
情緒事去凝思花影還簸墻角 今夜陽關怕唱玉樽激
灑持旋却若到無諸國有連天嘶馬匝樹飛鵲輕紅荔子

籠徧戈船綃幕我在江南殘照裡只行踪樂託武夷回首
倘依然念着

輪臺子

采菱

別浦蓮歌乍歇又棹入菱潭深宵西風亂水瀾瀾斜日遠
旣了了小娃蘭槳齊開鬪雲英一色裙波裊纔低珠腕又
弱蔓柔莖將人繞何愁角刺藤兜把千頃水烟暗昏美
清芬較菰米荷房一般幽悄語折芰隣船再來須早怕明
日寒塘剩白蘋紅蓼櫓聲幽驚飛渚鳥笑盈盈併摘花歸
可許粧臺照

八歸

二月十一夜風月甚佳過水繪園聽諸郎絃管燈

下因遣家信凄然不成一字賦此以寄閨人

彈得絃清飄來笛脆曲室諸郎歌管他鄉風月佳無比只
是中年以後心情頓嬾遙憶故園粧閣上鎮玉臂雲鬟淒
斷傷心處何事尊前聽一聲河滿却是絳河欲沒珠繩
乍轉畫角譙樓哀怨舊事如塵新愁似夢可惜一場分散
奈天涯滋味瞞不過南歸魚鴈吮霜毫纔提還倦莫慮春
寒羅襟紅淚煖

秋夜婦病吳門遂不成行賦此寫懷

藥烟裊罷爐灰畫盡城上戍火半滅去年記入西風候曾
也瘦人如菊秋衾勝鐵差喜而今身較健奈婦病吟聲酸
切惹一派繞砌啼螿怨苦替人說 淮擬楓林蟹舍霜蓬
霧翳去弄烟波寥泯秋當濃處月將圓夜擁權沉吟旋輟

筭不如春裡雨兩風風過時節偏逢着五湖霽景萬斛晴
光洞庭秋噴雪

春夜偶成

城陰水際閒尋往事光景零亂難寫畫眉橋北沿牆去曾
有迷藏伴侶簸錢亭榭生小誰忺鉛共粉說不盡衣裳淡
雅碧檻外蠻柳絲絲旬線恍如畫 今日延秋坊畔令狐
宅裡依舊好花開也杏梁燕子玉籠鸚鵡尚說十年前話
水晶箱子在遮莫還存聖檀怕東風起櫻桃細落糝上當
初鞦韆紅粉架

杜家廟距濟南四十五里有旅館頗幽靚砌下玉
簪一叢尤楚楚可念徙倚久之詞以寫懷

鞭絲小弄征塵輕浥雲水一片寥廓涼橋卸馱聊停憇遇

送明湖趵突爽氣森薄小閣矮窗新粉壁更繞砌疎枝幽
萼肯立處暗省花名瑣事頓縈着惆悵臨行那夜低鬟
偏髻惜別心情如昨側門迴盼倚闌人在扶定腰身纖弱
嘆萍踪一霎峽雨湘烟楚天各思量煞瓊釵滑膩枕畔朦
朧三更和笑落

賀新郎

雲郎合香爲賦此詞

小酌醱醺釀喜今朝釵光篔影燈前滉漾隔着屏風喧笑
語報道雀翹初上又悄把檀奴偷相撲朔雌雄渾不辨但
臨風私取春弓量送爾去揭鴛帳六年孤館相依傍最
難忘紅蕤枕畔淚花輕颺了爾一生花燭事宛轉婦隨夫
唱弩力做藁砧模樣只我羅衾渾似鐵擁桃笙難得紗窗

亮休爲我再惆悵

賀阮亭三十

牛馬江東走陪滿座鄒枚上客爲君稱壽七葉貂蟬連鳳
闕坐擁銀箏翠袖又兄弟才雄八斗三十王郎年正少恰
黃金鑄印雙懸肘此意氣古無有淡黃十里隋堤柳更
多少竹西歌吹樊川詩酒滿目關山原不惡只是繁華非
舊筭惟有文章不朽箴箴珠簾人不捲看使君燈火春城
口依稀美歐陽守

瓜步與姜子翥

佛狸祠下別看此處江花如練江烟似織憶昔結交堅戴
笠江左周郎英發正爛醉金釵之側宋玉右計倪甫俱大
俠更穎川年少風流客仰天嘯冠纓絕十年往事同陳

蹟恰傳聞洛陽金盡櫟陽獄急一旦二桃疑盡釋廣柳車
中人出又買得如花小妾送客驚心千萬里但銷魂此際
眞愁絕吾自有蒯通舌

甲辰廣陵中秋小飲孫豹人漑堂歸歌示阮亭

把酒狂歌起正天上琉璃萬頃月華如水下有長江流不
盡多少殘山剩壘誰說道英雄竟死一聽秦箏人已醉恨
月明恰照吾衰矣城樓點打不止當年此夜吳趨裡有
無數紅牙金縷明眸皓齒笑作鎮西鸛鶴舞眼底何知程
李詎今日一寒至此明月無情蟬鬢去且五湖歸伴魚竿
耳知我者阮亭子

月夜看梅花

皓魄光微淥喜東風瓊枝璧月清輝杲靄顧影娉婷無一

語吳女纖腰初束斜倚在珠闌曲曲看到夜深風露冷浸
簷前一片鬪圓玉吾醉矣共花宿 愁腸被酒還相觸且
狂歌莫言興盡再斟醅醪忽憶開元當日事中有梅妃賦
綠何必美玉奴新浴可惜樓東三十樹雨霖鈴都做連昌
竹花應歎睡難足

乙巳端午寄友用劉潛夫韻

醉凭闌干吐倚清狂橫陳水簾後堂無暑聞說吳兒工作
劇弔屈龍舟似虎我欲唱公乎無渡纒自沉湘卿底急枉
教人搗碎迴颿鼓楚江畔葦花舞 陡然魂磊多如許喚
靈均前來共語醉君椒醕呵壁荒唐何必問死累人間角
黍尙不及伍胥濤怒忽發狂言驚滿座料諸公知我心中
苦酒醒後重懷古

爲冒君苗催粧

遲日嬌鶯嚙簸輕風半欄芍藥參差人面珠絡流蘇犀壓
角十里龍綃微捲料好夢一春曾選節近菖蒲喧笑語借
五絲先做同心纏畫梁上乳雙燕 笙歌沸處蓮籌轉剪
銀燈紅酥檀暈暗窺韓椽小弟陸家工贈婦春蚓花箋蹠
徧何況是丹青能擅百種烟巒俱易畫遠山眉第一須慈
舊看小試君苗硯

作家書竟題范龍仙書齋壁上蘆鴈圖

漏悄裁書罷繞廊行偶然瞥見壁間古畫一派蘆花江岸
上白鴈濛濛欲下有立且飛而鳴者萬里重關歸夢杳拍
寒汀絮盡傷心話推不了淒涼夜 城頭戍鼓剛三打正
四壁人聲都靜月華如瀉再向丹青移燭認水墨陰陰入

化恍嘹唳枕稜牕鑄曾在孤舟逢此景便畫圖相對心猶
怕君莫向高齋掛

丁未五日程崑崙別駕招同談長益何雍南石崖

程千一金山看競渡

一鼓魚龍急看滔滔妙高臺下乾坤噓吸彷彿雲旗和翠
蓋貝闕鱗堂齊葺料此際百靈都集十萬黃頭皆突鬢挽
湘纍今夜誰先及有人在江潭泣 吳兒拖尾飄紅褶但
迴颿水雲颭處翻身徑入不鬪黃金惟鬪捷江水駭時欲
立惹商婦銀箏聲澁一霎悲歡纔過眼漸日斜桂楫紛收
拾山如睡黛還濕

賀程崑崙生日并送其之任皖城

五月十日

榴子紅如綉正綺席吳鹽下豉金盤雪藕七載南徐揮羽

扇肘後黃金似斗北固外晴江夜走留取臂間長命縷箏
節過五日剛踰九重爲我先生壽 遷官况在懸弧後看
他日郡庭一望匡廬溢口今古量才惟一石公也文章不
朽詎更歎一麾出守還擬樅陽城下過獻新詞再進當筵
酒公倘許狂生否

秋夜呈芝麓先生

擲帽悲歌發正倚幌孤秋獨眺鳳城雙闕一片玉河橋下
水宛轉玲瓏如雪其上有秦時明月我在京華淪落久恨
吳鹽只點愁人髮家何在在天末 憑高對景心俱折關
情處燕昭樂毅一時人物白鴈橫天如箭叫叫盡古今豪
傑都只被江山磨滅明到無終山下去拓弓弦渴飲黃塵
血長楊賦竟何益

後鵲無聲攫美一代詞場老手舍公安託歌到陽關剛再
疊月裡斜飛兔脚簾以外秋星作作我得公詞行且讀任
侏儒飽飯嘲臣朔大笑絕冠纓索 中朝司馬麒麟閣籌
邊暇南樓愛挽書生酬酢半世顛狂誰念我多少五陵輕
薄我有淚只爲公落後夜月明知更好問陸郎舞態應如
昨肯爲秦軍中樂

送邵蘭雪歸吳門仍用前韻

易水嚴裝發休回首故人別酒帝城高關九曲黃河迎馬
首森森龍宮堆雪流不盡天涯白月君去故侯瓜可種向
西風莫短衝冠髮人世事總毫末 長洲鹿走蘇臺折歎
年少當歌不醉此非俊物試到吳東門下問可有吹簫人
傑有亦被怒潮磨滅來夜天街無酒伴怕離鴻叫得楓成

血亦歸耳住何益

題沙介臣詞并柬周翼微郁東堂二子仍用前韻

健筆森拏攫自古道才人無命英雄有託黃歇墳前軍鼓
動萬弩攢平陣脚從此後哀鴻競作索米長安非失策看
掀髯意氣雄河朔荆高輩未蕭索 鶯花麗句傳三閣更
旅舍同時二妙和歌相酢硬箭軟裘推勁敵爽氣毫端噴
薄乍出手雙雕都落我去諸公應憶我記風前紅燭燒如
昨息壤在速行樂

秋夜飲錢宮聲寓中示譚舟石周子俶李西淵章

素文仍用前韻

故態狂奴發君莫學車中新婦口中石闕同是天涯流落
者休使滿頭霜雪且斜抱琵琶響月聽到鈿蟬悽厲處更

突如鐵騎織如髮秋聲起在林末
三更銀甲都彈折不
須問千年宮殿幾番人物記得館娃人似玉喚作平康之
傑曾遇在蘭膏將滅萬事古來誰最苦只青衫淚與榴裙
血鷄未啜酒須益

時偶及吳門王姬
姬時已落籍矣

秋日行西苑仍用前韻

太液秋鯨攪紅蓼底龍舟鳳艗沿流依託記得橫汾雄漢
武月夜波心殿脚又玉管金簫間作十二雲房都已閉只
將軍縵犬誇平朔何處覓鞦韆索 行人斜過梳粧閣入
耳有菱歌鴈陣冷冷酬酢自惜書生難得見天上桂叢蘭
薄單一派秋荷零落且拉車前騶卒飲對西風莫歎今非
昨依稀奏還宮樂

是日聖駕從
南苑還宮

秋夜對月示弟緯雲仍用前韻

戍鼓城樓發問客裡水輪炤我幾番圓闕一片銀河天外
落光映千門如雲總則是漢宮明月試上麒麟枯冢望問
誰人紅粉誰黃髮風乍吼青蘋末 應侯有脇憑他折但
歌罷仰天裂眼識卿何物窮矣男兒方失路復壁誰藏英
傑拚潦倒身名灰滅細聽秋林都颯颯只沙塲斷鏃陰燐
血良太苦竟何益

題郁東堂詞仍用前韻

龍爪槐張攪馳突處宛駟蹴鐵死生堪託我把金荃詞一
卷字字寫成釵脚是吾友東堂之作讀罷悲風生肘腋美
君才不減王寧朔相憐也總蕭索 茂陵一病成擔閣歎
客裡無多暇日我歌君醉醉擘銀箏彈一曲彈到秋雲都
薄只是訴兩人淪落泣下羞爲兒女態問吾生舌在還如

昨休作苦且行樂

席上呈芝麓先生

打鼓船將發看水面怒濤似屋巨魚如闕一路推篷吹笛
去無數葦花搖雪忘不了朱門皓月萬里沙昏聞鴈叫料
孤眠白盡離人髮回首望謝家末時緯雲尚留都下西風衰柳
還堪折喜筵上紅牙銀燭他無長物話到英雄方矢志老
鷓飛來傑傑又一半疎星明滅歸去焚書應學劍愛風毛
雨遍千山血益智粽竟何益

將之中州留別芝麓先生

匹馬衝寒發看滿目殘山剩水輾轅伊闕我到關河驚歲
暮却值梁園飛雪不須怨汴京烟月歌罷添衣仍命酒只
今宵離恨多於髮男兒事有本末 珊瑚十丈憑敲折歎

世上非公知我幾成怪物此外半生誰鮑子負此真非豪
傑最感是留髭燭滅後夜相思銅雀下想漳河水染啼痕
血今不醉後何益

獸炭簾衣攪華筵散此身飲罷茫茫安託我有小秦王一
曲吹到城頭墻脚今日事何人所作漫對西風增感慨且
臂鷹躍馬游河朔功名志總蕭索 橫刀難上凌烟閣吾
且與老兵健卒悲歌酬醉會記睢陽添賊火萬弩圍城肉
薄烽一點陸渾山落轉眼平臺風物好喜笙歌宛雜人猶
昨不思蜀此間樂

贈程穆倩

時年六十

痛飲蕪城夜喜春秋甫當六十詞場雄霸跋短歌歌自
壽幻作蟲言變化是慢戲滑稽之亞

穆倩自壽作木蘭花慢四首中皆爲虫言

遊隱詩集卷二十六
九
蟲達封侯何必問
蟲小語飄檀麝君擊缶吾行炙
四筵安坐爭相詫
筭絕藝非花蠶尾古來無價率老夫
兒子五索笑挽鬢燈下論此樂勝於僕射有酒且沽澆磊
塊任無錢也向爐頭貰休辭醉先生詐

徐竹逸招同幾士兄閣上看梅

一樹都如雪君不見尊前有客歌聲辛切醉倚花魂花欲
語花似笑人愁絕我一語亦爲花說人既多愁人已瘦問
花何瘦亦隨人折相看處酒休竭臨風細取花重閱美
物外孤高簡傲花中豪傑恒怪世人輕比並浪道檀腮粉
頰渾不稱此花風骨我欲擬之銀作鎧趁月明浴盡三軍
鐵神還似史遷潔

爲徐晉遺催粧

時十二月初
八夜大雪

雙綰同心結喜今夜新人二九殘年臘八幾隊紗籠徐引
導光漾黃金跳脫何況是玉人如月小捉養娘簾底問問
徐公城北人爭說燈下看果英發天公更自風流絕響
瓊籤且煩青女細飄珂雪爲驗謝娘才調好故把吳鹽輕
撒不須慮銅輿街滑我識李暮吹笛手但今宵鳳竹休頻
摩枕函上印紅頰

都門洗象詞同緯雲弟賦

百戲魚龍聚晝陰陰雲房冰洞帝城無暑日哺波心張水
幄列坐徹侯公主其外有傾城士女少頃蠻奴乘象至整
鞭梢踏入金塘去喧逐甚爾何怒鼻殷捲盡西山雨看
水回濤飛海立銀傾雪注猶記昆明傳象戰祚馬燹僮跋
扈今已慶太平寰宇浴罷舍元宣立仗望赭袍一朵紅雲

吐率百獸御階舞

見南苑阱熊而歎之同吳天石賦

南苑花如綉見一帶長楊虎圈咆哮百獸此物儼然餘猛
氣攀檻時時欲吼像鏃騎金戈馳驟可惜當熊人去香鎖
宮槐冷落黃金鑿誰侍奉金門帚爛羊都尉通侯狗但
驍雄偏嗟失勢所遭不偶猶記深山騰踔日獅子獬兒爲
友追險怪曾踰宇宙此日草間狐兔盡束身歸五柞同猿
狄蹠已落宰夫手

季滄葦侍御廣陵納姬爲賦花燭詞

螺子眉峯滴遙想像文窗冉冉鬢鬟的的誰遣朝天青雀
舫小泊烟江水驛夾岸有鈿車畫戟日至尙遲添一線恰
宵長更照團圓月時仲冬十五夜月影底人兒出 仙郎
爲長至前十日

况是文章伯人都美金閨華彥玉清仙籍盡道臺霜行峽
雨先把鷄鷄冠摘纔卸到紅巾累歷今夜當關須記取對
府中烏與隣鷄說休相攪恣憐惜

汝州月夜被酒感懷董二

今夜清輝苦真醉矣人生有幾關山如許極目海天渾一
碧回首家鄉何處總則是年年羈旅脫帽凭闌何限恨倚
風前細把寒更數誰更打嚴城鼓無端忽憶疎狂侶曾
記得烏衣巷口別來如雨明月也知千里共照盡秦樓楚
戍應漸到故人黃土只恐白楊和月冷比人間更有銷魂
處汝河水白如乳

登龍池絕頂憑虛閣同雲臣遠公賦

極目真空潤倚巉巖層巒競瘦老松都活瀕洞荒寒非世

境昏曉陰陽盪割更古木冷烟轆轤虎跡龍湫經過了一
枝筇幾被罡風奪纜到得亂峯末 峯巔小閣危堪撥嵌
嵌嶽呀然如竇拳然如鉢只怕石欄憑不穩敗葉欲隨秋
脫况恰對崖門初豁我愛湖光能入望約他年再與攀蘿
葛看夜半陽烏渴

蘧庵先生五日有魚酒之餉醉後填詞

蒲酒濃如乳更爲我東溟斫鱸大魚就脯携酒石榴花下
醉還選腹腴親煮耳熱也休提今古只有寒潮圍故國歎
龍舟寂寞無尋處風乍起瘦蛟舞 何須遠望悲荆楚暗
想像廣陵舊事淚多於雨火照佛狸城下水丞相孤軍難
渡記時節也隣重五兒女誰知英雄恨辟兵符戲向釵頭
賭葵影綠小窗午

竹逸屢苦足疾詞以訊之

足亦爲頭責問先生經年何事蹒跚引疾有足徑須行萬
里須踏龍堆馬邑更須伴錦靴紅屐却怪兀如習鑿齒恐
美人覺者交相厄中有鬼苦無力 客爲代語君姑默看
人世太行劍閣縱橫几席尻馬神輿吾自有底事度阡越
陌足雖憊猶全吾膝言罷先生徐捫足且支筇虛室初生
白剛一笑宿疴失

食李戲作

咄汝前來此問爾祖人人都道猶龍李耳一自瑤星淪謫
後恰值楊花盡矣又幻出李唐家世縱劣猶能交貴介伴
浮瓜遊戲西園邸楊家果詎君比 如今慣代桃僵死客
經過其冠不正視同苦李一入公門身更辱鑽核羞他名

士但說着王戎冷齒只有井邊堪避世與躑躅飲啄稱知
已還愁遇於陵子

贈善奕者蘇生

入市乘羊暇乍歸向百花庭院春衣暗卸小與手談殘紅
徑秋水滿睂微瀉日影碎劇棋難罷爭賭宣城真太守問
何人中正如卿者秋善奕爾其亞局中有劫憑君打莫
沉吟樵夫柯爛瑶池花謝聞道外邊風漸競一子甚時纔
下休閒煞春前陣馬天帝井公方對博又從來似奕長安
也都付與楸枰話

贈蘇崑生

蘇固始人南曲爲當今第一曾與說書
叟柳敬亭同客左寧南幕下梅村先生

爲賦楚
兩生行

吳苑春如繡笑野老花顛酒惱百無不有淪落半生知己

少除却吹簫屠狗筭此外誰歟吾友忽聽一聲河滿子也
非關雨濕青衫透是鷓鴣血凝羅袖武昌萬疊戈船吼記
當日征帆一片亂遮樊口隱隱柁樓歌吹響月下六軍搔
首正烏鵲南飛時候今日華清風景換剩淒涼鶴髮開元
叟我亦是中年後

弓冶弟萬里省親三年旋里於其歸也悲喜交集

詞以贈之并懷衛玉叔暨漢槎吳子用贈蘇崑

生原韻

休把平原繡繡則綉吾家難弟古今稀有萬里尋親踰鴨
綠險甚黃牛白狗一路上夔絃作友辛苦瘦兒携弱肉向
海天盡處孤踪透三年內無乾袖平沙列幕悲風吼獵
火照依稀認是雲中生口馬上迴身爭擁抱此刻傍人白

首辨不出窮邊節候猶記離鄉年尚少牧羝羊北海雙雙
叟長夜哭陰山後

惠山遇冒爰及穀梁酒間感事并示楊枝

細雨青山麓野塘邊故人忽卸布帆一幅失喜推篷還笑
劇難得他鄉骨肉問那處酒旗斜矗我有新年離鴻恨艤
烟航且與澆醪醪知來日何方宿樽前况有人如玉再
休提千場錦瑟萬堆紅燭淪落舊人誰尚在只剩何哉情
熟船倚在黃蘆苦竹落照重逢詢伴侶也未將言應驟先
感長洲水年年綠

中秋伏枕承蓮翁先生有月餅果物之惠病起賦

謝

今夜清輝漾想月殿菱花出匣一輪初上萬戶千門連碧

海處處鈎簾倚幌只少我一人凝望多謝東鄰遺炬妝恰
分明掬取團圓樣開籠看神差旺紛然佳果還相貺措
病眼荔奴黃皺哀梨碧漲忽憶添丁千里外阻隔丹崖綠
嶂恨此物無緣分餉若使姮娥知我意也璇閨掩却垂綃
帳應爲我色惆悵

暮秋臥病澄江客舍承劉震修沛元秦其天賀天

士椒峯弟諸君枉顧因感亡友鄒程村董文友
漫感一首并示梅園主人韓爾鉉

一病驚秋暮黯澹煞五更青鬢萬山紅樹煎藥真長高誼
在結駟連鑣相顧僕僊矣諸君無苦縱僊此心猶炯炯試
扶吾一上秋城去沙鴈落細如雨韓園舊日曾歌舞有
多少縷金羃子酒和墨汚那數三千珠履客高會春申極

浦當日事何人記取黔董文友頎程村鄒長身今不見只十圍
梅似青銅古花尙好人非故

冬夜不寐寫懷用稼軒同父倡和韻

已矣何須說笑樂安彥昇兒子寒天衣葛百結千絲穿已
破磨盡炎風臘雪看種種是余之髮半世琵琶知者少枉
教人斜抱胸前月羞再挾王門瑟 黃皮袴褶軍裝別出
蕭關邊笳夜起黃雲四合直向李陵臺畔望多少如霜戰
骨隴頭水助人愁絕此意儘豪那易遂學龍吟屈煞床頭
鐵風正吼燭花裂

積雨乍晴竹逸買舟拉雲臣暨余郭外春游訪萬

子紅友不遇因過石亭探古梅并坐古香庵小

憇

喚箇船兒去傍城河柳絲蘸碧漸拖官渡閒訪故人人已
出門鎖小橋烟浦空佇立悵然誰與人說前村梅更好月
朧明綠萼栖毛女趁波煥響春槽 僧樓小憇評今古喜
檻外亂山絕澗暗香無數寒食一杯須作達莫惹春愁萬
縷看滿眼紙錢飛處除却吾曹二三子只此情堪共花枝
語花不應灑紅雨

次日紅友復折柬招游石亭陰雨又作詞以謝之

仍用前韻

并日邀遊去正郭外風絲颭袖水烟籠渡兩月春霖愁似
海漲了綠波南浦剛一霎晴溪容與茶庵竹籬帆影過粉
墻頭暗立誰家女沙鳥懶觸柔櫓 難忘最是亭梅古記
昨到凭闌拋蓋落英閒數帶暝遙峯嬌欲睡香在衫痕鬢

縷春漸到最銷魂處來日縱無知己約也重游擬續花間語無奈是廉纖雨

伯成先生席上贈韓脩齡

韓開中人聖秋舍人小阮流浪東吳善說平話

月上梨花午恰重逢江潭舊識喁喁爾汝絳燭兩行渾不
夜添上三通畫鼓說不盡殘唐西楚話到英雄兒女恨綠
牙屏驚醒紅鸚鵡雕籠內泪如雨一般懷抱君尤苦家
本在扶風蓋屋五陵佳處漢闕唐陵回首望渭水無情東
去剩短鷓聲聲訴與繡嶺宮前花似血正秦川公子迷歸
路重酌酒盡君語

宗石校刊先伯兄詞集將竣忽于敗篋中檢得賀新郎一闕乃作家書後題范龍仙書齋壁上蘆鴈圖詞急讀之與刊本題同謂同韻同起落同中多異亦先兄自書者王西樵先生所評隲因并錄楮尾剪燭裁書罷繞廊行偶然瞥見壁間小畫一派離鴻千萬點掩映漁村蟹舍有飛且鳴而悲者回首蕭關鷺瘦影儘商量說盡思

鄉話推不了淒涼夜 春城又聽嚴更打鎮無言潛然
紅雨淚如鉛鴻嗉壓數聲來紙上如在蘆花之下我亦
是潯陽司馬曾記蓬窗逢落鴈便是
書圖此景看還怕君莫向高齋掛

迦陵詞全集卷二十六終

迦陵詞全集卷二十七

宜興陳維崧其年著

選

弟 維岳緯雲 參閱

宗石子萬

男履端

校

姪賜薛

賀新郎

茶村寺寓逢庭栢上人有贈

上人善吳歛為蘇
曼高弟兼工搥鼓

急雨銅街沒喜瞥遇一僧不俗有愁都豁半世不曾持梵

唄只唱曉風殘月讓袞袞群兒成佛音節柔和兼妙好鬢

陀花簌簌翻林樾遺恨事無毫髮 萼萼畫鼓春雷發似

臨穎十三娘舞劍光奔突贏得闍黎爭匿笑詎是靈山衣

鉢長嘯也岑牟難脫萬事誰真誰筭假拍紅牙那便閒生
活持此意問迦葉

春夜聽鼓師搥鼓

月黑燈搖霧看鼓史岑牟單絞當筵箕踞苦竹哀絲爭欲
鬧靜聽八音之主讓老革憑陵今古統地一聲千籟響掣
紅旗突陣將軍怒荷珠迸碎如雨 有聲詎比無聲苦又
垂手畫槌小歇凝情無語忍俊不禁停又滾隱隱春雷慢
吐十三段花攢錦聚十番鼓共
有十三段打到五更心已碎正疑愁
似夢無尋處方趁拍猛然住

自嘲用贈蘇崑生韻同杜于皇賦有小序

于皇曰朋輩中惟僕與其年最拙他不具論一
日旅舍風雨中與其年杯酒閒談余因及首席

決不可坐要點戲是一苦事余常坐壽筵首席
見新戲有壽春圖名甚吉利亟點之不知其斬
殺到底終坐不安其年云亦常坐壽筵首席見
新戲有壽榮華以爲吉利亟點之不知其哭泣
到底滿堂不樂相與抵几大笑何兩拙兩地兩
筵兩劇不謀而同也故和此詞余因是亦有此
作

高館燈如綉屈指筭攝衣登座放顛時有慣罵孟嘗門下
客無過鳴鷄盜狗吾寧與灌夫爲友曾被兩行官伎晒玳
筵前一片喧聲透香醪潑汚紅袖 歡場百戲魚龍吼却
何來敗人意興開人笑口自顧無聊惟直視奪得鸞篋搔
首叱若輩何堪祇候事後極知余謬悞恰流傳更有黃岡

叟疎狂態誰甘後

新安陳仲獻

名策

客蜀總戎幕府常贖一俘婦詢之

蓋仕族女也仲獻閉置別館召其夫還之聞者

艷其事爭爲歌詠適宣城沈子公厚書來徵詞

因賦是篇

天畔蠶叢路記當日錦城絲管華陽士女一自愁雲霾蜀
棧飛下桓家宣武有多少花鈿血污十萬蛾眉齊上馬過
當年花蕊題詩處葭萌驛鴉啼苦 春宵高譙元戎府明
月下玉容黯淡有人低訴妾本成都良家子歎息鸞分釵
股客亦爲淚零如雨擲却黃金歸破鏡問德言還認菱花
否府叶吾事畢拔身去

余與于皇作自嘲詞竟于皇復謂余曰忽憶一事

大資嗚噓昔甲申闖賊之變迎降者大司馬某
亦與焉其人後官兩浙開譙西湖召梨園侑酒
卽命演闖賊破都城故事數齣後闖賊入城一
人執手板蒲伏道旁自唱臣兵部尙書某迎接
聖駕蓋某卽坐上某也某悵然不懌良久曰嘻
亦太甚矣某何至是遂罷酒去余與于皇撫掌
之次同賦是詞仍用原韻

嶺對離宮綉聽鞀鼓漁陽遺恨乾坤罕有記得黃巾初入
洛朝士馬都如狗還自許師臣賓友誰把侍中貂細挿錦
河山忍被軍聲透八風舞郎當袖 梨園白髮潛悲吼誰
信道千秋南董繫諸伶口馬上彎弧爭欲射客有道旁泥
首捧降表夕陽亭候今日堂堂紅燭裡正當年肉袒牽羊

東頭暗觸屏風後

中秋前五日看早桂

灑氣收殘暑恰金飈夜來染就小山幽樹叢桂離離香滿
徑正值秋棠開處掩映也倍添嬌嫵紅燭三條圍鎖院記
姮娥不肯相憐取平生恨那堪數 思量舊事多如雨憶
前生婆娑曾在清虛之府淪謫紅塵三十載却羨廣寒清
苦忘不了花陰玉兔月到中秋光定滿折花枝吾欲驂鸞
去再快作霓裳舞

繡夫詞

戰艦排江口正天邊真王拜印蛟螭蟠鈕微發擢船郎十
萬列郡風馳雨驟歎間左騷然鷄狗里正前團催後保盡
累累鎖繫空倉後掉頭去敢揺手 稻花恰趁霜天秀有

丁男臨岐訣絕草間病婦此去三江牽百丈雪浪排檣夜
吼背耐得土牛鞭否好倚後園楓樹下向叢祠亟倩巫澆
酒神祐我歸田畝

秋日竹逸約同雲臣紅友渭文石亭看桂

萬斛涼雲瀉買晴吟烟潭容裔晴秋瀟灑黃葉村中行不
遠隱隱前山精舍人已被暗香縈惹纔見巖梅齊着粉染
西風叢桂旋開也流光駛似奔馬 捨舟緩服尋蘭若正
霜簷累累金粟參差低亞竹色泉光幽映極携得一樽堪
把問此樂何如僕射忽見高塋延野燒似赤龍感踏山都
赭矯首看莽驚詫

重游菊圃紀事

烏柏全紅也過溪橋重游昨日竹籬茅舍笑語生香來漸

近衫影參差入畫見一隊明粧淡雅要撚黃花親比瘦小
闌干不許簾兒挂人與菊並堪把 霜天短髻驚衰謝恰
何緣人間尙有鈿車羅帕萬事西風吹散了黃葉漫天而
下偏只向看花人打若使淵明今日在料先生也被閒情
惹狂奴態甘遭罵

題思嗜軒爲姜勉中賦用題青瑤嶼原韻

軒前棗樹數株

爲貞毅公手植
故以思嗜各軒

羊棗經霜罅記當年在歌曾點甘同嗜鮮老幹虬柯三四
本冷翠幽光團射曾脫帽行吟其下一自人纏風木恨剩
檣楹仄磴欹危怕蘿葛翳黽懸挂 三年淚爲思親灑葺
亭軒崢泓明瑟重開圖畫粉壁疎窗仍艷好拭盡塵埃野
馬果熟也莫從人打不是灑西饒靳惜是前人口澤斯存

者歌纂纂蔭堪藉

題郎官山雪霽圖送家伯騶還八閩

閩嶠盤天際悵連年幔亭昔夢枕邊頰製榻得郎官山半
幅日斷層崖雪霽飛不透鷓鴣聲裡今日眞成歸計穩漲
蠻天一片南還騎枕椰麵家山味 前灘喚囷鄉音細傍
榕陰晶丸萬顆依然斜綴綠矚房邊紅齒屐喧笑應門童
稚誰暇訴飄零情事少頃武夷君有信也頭童面皺驂鸞
至驚此別幾年歲

繆園與穀梁話舊

鵲舌啼春冷記并州十年飄泊蝶僂蜂倖花露微蒸纔抑
鮮小閣圍香說餅開多少簾痕帽影燭底新翻楊枝曲字
斜行寫上春衣領只此事君應省 江南四月殘紅靜又

逢君斜陽一水盈盈舫艤暫借芳園聊話舊坐皺綠蕪三
徑筭聚散來朝難定鴻爪那能長留住笑繫腰彭祖徒窺
井一彈指三生頃

竹逸齋中紫牡丹枯而復生爲填此詞

日煖鶯聲細喜亭亭依然玉琢吳宮小字暫別紅塵剛一
載還傍畫樓珠砌却又鬪新典鬢髻多少桃腮和杏臉筭
舊人遠勝新人麗論族望雒陽魏 看花漫憶當年事記
人名一般顏色幾般才藝自被子規催去急零落嬌香滿
地拚舞榭爲伊長閉若使紫臺真再返笑鴻都枉用驂鸞
計花凝笑又舍睽

舟泊楓橋同吳廣璧小飲金葦昭齋中歸過寒山
寺因憶昔年阮亭王先生入吳夜已曛黑風雨

雜選阮亭攝衣着屐列炬登岸徑上寺門題詩
二絕而去一時以爲狂今別去六七年矣悵然
賦此并懷阮亭

纜繫烟汀尾見一派江村橋下斜陽水市西舫東船那可
語且過幽齋謀醉恰海蠶園甘盈七歸路歛渾如棧狹映
頽墻倒出驚奇鬼人道是寒山寺 寺門話向同行子記
王郎昔年黑夜衝泥經此掾吏兩行爭匿笑笑看官今何
事乞火照破扉題字今日滿廊蝸篆綠捫壁間蝌蚪無存
矣誰會我懷人意

題孫赤崖小像用曹顧庵學士韻

圖中三
孫連側

入洛人如璧記當年才名爭數江東孫策况值賢兄新奪
幟謂扶桑
鍛元也細馬春游禁陌看兩兩油幢綉戟倏忽浮雲生

宮殿十九年罰作長流客纔出塞髻先白 京華握手鳴
珂宅劇悲歌蛾眉勸酒酖酥行炙今日閨門重見面更盡
杯中琥珀總莫問鴻泥雪迹一笑披圖三珠樹美兒皆字
獬奴呼釋獬兒釋奴皆前人小名 萬戶樂君休易

贈徐月士次友人韻

萬事都成昨剩胸中不平鬱起峯巒確犖我有匣中三尺
水澁盡寒銖冷鏐夜夜聽秋城鼓角青眼誰人吾竟老喜
逢君交道真堪託忘不了燈前約 封侯自有嫖姚霍且
高歌蹲蹲舞我烏烏和若十載樊川狂客夢贏得揚州一
覺漸袞徧四條絃索綠醕黃花拚盡興管來年綵筆驚河
朔休只憶江南樂

友人蔣子馭鹿落拓都門遨遊王邸綠池應教稱

曠代之遭逢清夜陪游極一時之際會既而淮
南仙去子晉丹成悲翠輦之潛移帳金牀之不
見新愁入夢昔事銷魂憔悴南還傷心實甚適
儲子雪持相遇吳閭歸言茲事爲賦是詞

朱邸分青社記當日竟陵文藻彭城風雅盛世天家敦玉
牒花萼交輝其亞正內殿霓裳舞罷龍子一從歸大漠悵
陳王不憚苔生榭呼賓從銷閒暇 鄒陽流落江潭夜別
秋燈故人重見在楓橋舍惟悴白頭論往事多少鸞箋鳳
帕說不盡銅輿佳話今日金風吹兔苑任西宮花放還花
謝據夢到王門下

飲華商原齋頭追憶錢吉士先生先生商原婦翁

余曾執經門下

三十年前事記童年章華曾作屈平高弟家本寶華山下
住門映石湖荷芰有一帶疎軒曲砌憶得危崖騰健鶻咽
秋燈夜半歌山鬼風乍刮髻成蝟 淒涼閱盡人間世看
多少經堂書庫拆爲馬肆舊日生徒今亦老相對賢門佳
婿更似舅魁然無忌是日并晤商原令嗣且盡君家黃菊酒論人生
一醉爲佳耳西州慟成何濟

途次遇華子瞻憶二十年前子瞻與秦對巖太史

齊名均齒游處畧同對巖官禁近居林下已十
餘年今復從軍湘楚行色甚壯而子瞻淪落如
故詞以寄慨

少日敦槃約記同游梁溪二妙華年相若繡袷紅衫雙掩
映宛似連枝花萼船並艤綠楊城郭一客日邊紅杏放染

爐香日講龍樓幄又十載歸田樂 彈冠近日之荆鄂壓
秋江水犀下瀨雄姿馬稍帳下廬兒三十萬伐鼓開船黃
鶴旗獵獵北風夜作一客織絺纒掩旣到霜天敗楮那堪
着姑一笑視寥廓

虎丘劍池作

山腹蒼皮罅劈巉巖一窪深黑險於人鮓仄嵌斜攢龜脊
滑林氣水聲交射有屈曲龍蟠其下上構危梁凌絕巘窈
而深鑿孔行人怕吸冷瀑半空掛 壞廊欹磴哀湍瀉壑
參差雕樞黛閣晶熒入畫故國江山還在眼添了西風戰
馬又殿上夜鐘將打雨蝕殘碑名姓在醉摩崖汝是知音
者石壁土有黃姬水唐寅題名相對坐草堪藉

五人之墓再用前韻

古碣穿雲罅記當年黃門詔獄群賢就鮓激起金閫十萬
戶白梧霜戈激射風雨驟冷光高下慷慨吳兒偏嗜義便
提烹談笑何曾怕抉吾目胥門挂 銅仙有淚如鉛瀉悵
千秋唐陵漢隧荒寒難畫此處豐碑長屹立苔繡墳前羊
馬敢輕易霆轟電打多少道傍卿與相對屠沽不媿誰人
者野香發暗狼藉

同園次過半塘飲戴季默家三用前韻

搖櫓蒼波罅食指動洞庭筍截潯陽魚鮓掠過半塘橋不
遠雪練銀濤噴射村漸逗屋邊籬下一路橫江吹鐵笛調
崩騰恐惹魚龍怕好都取水窗挂 到來便把金荷瀉劇
清幽竹梧相壓尊罍如畫老子放顛須盡興管甚南來兵
馬時駐防兵初到酒已罄何妨再打門外八騶堪拉飲問乾坤誰

勝公榮者玉山倒醉相藉

姜貞毅先生敬亭山房卽文文肅公清瑤嶼也文

肅與先大父同年而余尤辱貞毅公知愛今兩
賢先後淪逝而余老客吳閫適勉中學在開尊
酌我不禁人琴之感爰賦此詞四用前韻

閣逆噴岫罅激松醪紅薑點豉綠荷包鮓醉憶尊公賢給
事百感濤傾弩射記惜別月明橋下余與貞毅公握別廣陵倏忽山

丘華屋恨帶女蘿山鬼招魂怕延陵劍何由挂 乳魚軒

畔微波瀉繚牆邊亭臺金粉李將軍畫更憶平泉花木好
丞相曾施行馬今日也雨淋霜打我有兩層思舊淚總一
聲隣笛吹來者莎徑軟仰天藉

飲范龍仙齋頭感舊并示王升吉五用前韻

屐印蒼苔罅恰經過故人爲我摘蔬蒸鮓酒後燭花爭怒
裂颯颯霜颯酸射笑李蔡爲人中下身似江潭流落伎但
開元舊事重提怕銀箏在梁塵挂牙籤列屋香芸灑尚
依然爐薰枕茗法書名畫八載離情何處寫贏得琮琤簷
馬被一夜西風亂打草沒吳宮人去久筭堂前燕子無存
者羅襟酒任沾藉

蔡九霞招飲同雲間沈友聖賦六用前韻

九霞尊
人忠襄

公殉閩
賊之難

石腹空而罅鬪噴岫斜欹壓笋龍孫幾鮓屋後松杉都作
勢黛色濤聲噴射且與客提壺其下忼慨攝衣升上坐夜
蒼茫說劍空堂怕衣露肘詩瓢挂忠襄碧血高原灑誓
三光騎箕裹革丹青圖書抵几奮髯談往事恨殺乾坤銅

馬將如此金甌碎打且向蔡經家爛醉只今背背癢誰搔
者天可幕地爲藉

讀漢書李陵傳七用前韻

壺口鼓成罅向床頭一編佐苦勝於鷄鮓痛惜河梁李都
尉飛將家聲善射今至此子卿足下陵旣辜恩漢負義睨
刀環再辱男兒怕高高月長城挂身降名恥憑誰灑笑
紛紛人奴衛霍凌烟描畫循髮更衣聞緒語起聽悲鳴櫪
馬正萬帳嚴更齊打讀未終篇浮大白劇堪憐箭盡蘭山
者頽然醉花陰藉

吳門喜晤丁飛濤賦贈八用前韻

生入榆關罅記曾嘗錦州銀鼠遼河鮮鮓雪窖羝羊天萬
里鴈足帛書誰射長夢汝李陵臺下頭白如今歸故國見

人民城郭心驚怕携瓢笠無牽挂 斷橋十里荷香灑恰
晴湖亂餘西子蛾眉重畫一笑風前齊得喪世事塞翁之
馬稽首謝獅王捧打落拓蘇臺知己少只青山尙似當時
者杯正綠掌堪藉

月夜泊舟平望九用前韻

撥刺疎罾罅正江鄉葦黃斫鱸萍香抑鮓風弄檣燈千萬
點點點隨波漂射光直透水晶宮下寥亮空潭飄水調客
船孤燭冷聽來怕月又向前村挂 曾吟鞞鞞銀濤灑恰
隣舟亂旗雜火軍裝如畫下瀨戈船身手健使得帆如使
馬惡浪裡攤錢白打歸矣吾家陽美里學當年射虎南山
者任鄉里苦無藉

駕湖烟雨樓感舊十用前韻

水宿楓根鱗儘沾來鵝黃老釀銀絲鮮鮮記得箏堂和伎
館盡是儀同僕射園都在水邊林下不閉春城因夜讌望
滿湖燈火金吾怕十萬盞紅毬挂 重游陂澤偏瀟灑剩
空潭半樓烟雨玲瓏如畫人世繁華原易了快比風檣陣
馬消幾度城頭鐘打惟有鴛鴦湖畔月是曾經照過傾城
者波織簾船堪藉

過武塘贈魏子存先生十一用前韻

厥倚龍松罅記從公紅槽壓酒玉盤堆鮓醉數一行天上
鴈玉靶翻身仰射笑萬騎其材悉下我遠別公游宛雒虎
牢關徑仄攀躋怕步步學猿猱挂 湘潭鄂渚微雲灑人
爭美文章宗主江山圖畫歎我還鄉悲伏櫪老作空牆病
馬骨骼瘦憑誰鞭打乘輿扁舟來話舊雨迷離自笑棲棲

者風雅事惟公藉

魏塘舟中讀錢爾斐先生菊農詞稿十二用前韻
筆補媧天罅笑詞場止貪濃腆誰餐龍鮓只有菊濃詞一
卷竹翠梧光團射向楮墨濛濛欲下爽勝哀梨清橄欖更
險如雪棧宵行怕快瀑布炎窗挂 墊巾墊服神飄灑句
清圓諸般易及一清難書把向鴛鴦湖上讀澗水奔渾似
馬雪又向蓬窗亂打好琢琉璃爲硯匣架霜毫床用珊瑚
者還倩取錦綾藉

謁梅花和尚墓十三用前韻

係元高士
吳仲圭

古碣穿雲罅奠幽墳聊供蒲笋奚煩脯鮓搖曳疎花三四
本雪魄冰魂光射墓正嵌橫斜之下隧道蘚皆純鐵色捫
斷螭盤獸碑紋怕薜荔黑墻陰挂 蕭蕭小院空香灑指

高原一坏雲水此中有畫一自趙家陵闕燬極目西風石
馬總分付浙江潮打只有巋然斯冢在落梅風捲散樵蘇
者英滿地衫堪藉

甲寅除夕十四用前韻

舊曆修窗罅嘆貧居支離困蠶醢鷄瓮鮓苦憶常年逢此
夜譁笑闔藏覆射賭瓜子黃柑樓下今日飄零諸弟妹夢
蒼涼亭榭潛行怕最怕是躡蛸挂 六街人靜梅風灑望
層城明簾夜火依然入畫准擬東風來歲好屏當春衫細
馬看士女鞦韆笑打萬事總如池水皺便風吹何事關卿
者椒酒醉枕相藉

乙卯元日十五用前韻

梅瘦侵墻罅趁閒窗椒觴汎蟻辛盤盛鮓抖擻門丞秦叔

寶貝帶璘燭光射笑公等寄人簷下鏡聽竈前占吉語願
今年烽火無驚怕雙彩燕釵梁挂 軒墀未掃先宜灑待
春來桃鬚杏臉雨梳烟畫五十過頭吾竟老說甚高車駟
馬任街鼓群兒戲打天意蕭蕭偏釀雪小樓前已有紛披
者拂簾幌紫茵藉

登南嶽寺大悲閣

峭閣騰危鵲映新晴亂崖杏嶂龍湫獸窟竹粉松脂空翠
極狼藉山厨僧鉢分一半綠人毛髮倒灌寺門香雪海又
巖梅萬樹參差發微笑處忘言說 甍颯悲嘯春禽聒更
林間泉鳴谷響慘悽神骨今不來游春漸老辜負浮生作
達且放眼人間寥濶閣背一拳看愈好蘚痕皴嵌就玲瓏
月依稀是袁家渴

送西蜀余生赴洞庭梅社之約

積雨晴光霎偃南榮蕭然斗室爐熏梵夾門外綠潭風亂
響何處檣聲颯颯又驚起陂塘睡鴨此地蜀風殊不惡蜀
陽美地以况翁家原住巴東峽姑小住歌相答 翁言光
東坡得名福村中塔十年來與周旋久民風頗洽每到春時向晴昊
千樹繁花亂插玉浪捲直衝茗雪茶竈筍輿屏當未鶴猿
盟夙訂三章法亟歸荷伯倫鍾

讌玉峯徐健庵太史宅歌舞烟火甚盛

月照梨花午讌華堂西京趙李東都燕許玉珮珠袍聯翩
至綠酒春缸正乳不須恨英雄無主穆護沙纔袞徧了九
天開飛下瑤臺女又解作霓裳舞 偃師百戲堂堂去看
塲圓交竿放出火蛾無數髻鬢層樓海門市西極後狻徧

怒更炮打襄陽門戶頭刻鴉啼金井曉掀頭船且睡波深處蓬背上響春雨

不晤黃子艾庵十餘年矣昨南畊自郡至艾庵以

溪南詞一卷寄予循覽之次追感舊游兼懷鄒

董愴焉填詞卽用溪南詞中韻

強飯還能否說年來家同鷗泛門央鶴守細註農家新月
令樂事吾生儘有茅簷下烏烏擊缶罨畫戴溪都不惡好
風光只落閒人手君漫士余聲叟 陡然百感三杯後憶
同時許多嵇阮盡成卵酉何限西風堆馬鬣破碣藤纏雨
溜數宰木蒼蒼如斗一作驢鳴人皆笑繞筵前謾罵撩衣
走袞袞是登塲偶

毛卓人示我滿江紅詞數首中多養生家言作此

戲柬仍用贈黃艾庵韻

容我狂言否君幾見紅顏翠髮一生長守萬戶我求還不
得大志訝君偏有竟欲聽飛瓊鼓缶樂大城頭閒騁望問
何人弱水曾携手空絕倒繫腰叟 生天靈運吾甘後且
陶陶三杯卯酒醺然到酉幾度罡風天際捲闔苑露桃紅
溜枉費了厭禳星斗我自人間能倔強碧霄宮嬾逐仙班
走任相笑道傍偶

奉答蘧庵先生仍次原韻

炊熟黃梁否笑乾坤蜉蝣非天彭錢非壽世上英雄本無
主感激何常不有曾要把趙平原繡禍首從來倉頡字更
怪他煉石媧皇手偏欲向虛空鏤 神仙將相俱難就悵
生平舞衫歌扇藥爐茶臼已矣無成三弄鐵長倚秋江夜

乳知我者荆溪浮叟戛醒半窗蕉鹿夢謝風篁汝是驅愁
帚休再打唾壺口

奉贈蘧庵先生仍次前韻

識得詞仙否起從前歐蘇辛陸爲先生壽不是花顛和酒
惱豪氣軒然獨有耍老筆萬花齊綉擲碎琵琶令破面好
香詞污汝諸伶手笑餘子徒雕鏤秦宮漢苑描難就蠹
中原怒濤似箭斷崖如日我有銅人千行淚撲地獅兒騰
吼聲撼落橘中棋叟鶴髮鷄皮人莫笑憶華年曾奉西宮
帚家本住金臺口

初夏城南觀劇并看小兒作偃師幻人諸雜戲

一夜紅都瘦恰清和街南百戲分棚錯繡爭占晴坡施慢
幄似水畫簾痕皺鶯語剪綠蕪濃畫老大逢塲聊逐隊也

婆娑錦瑟鈿車後向酒媪且賒酒

曲終雜舞喧厖奏有

佞童交竿綠幢巧將身漏據地帖腰連瓊袴踢塲弄丸都
有銀海眩銅峯欲覆萬事總然兒戲耳棗梨爭也筭蛟龍
鬪姑一笑華陰叟

乙卯端午

往事思量否記年時天中佳節沉吟搔首此日傷心人漸
老誰耐離騷繫肘喜繞砌葵榴初繡笑看五絲纏艾虎問
汝曹猛氣憑陵久何故縛女兒手楚天一片驚濤吼沸
中流錦袍雪艦笳鳴鼓奏錯認蘭橈爭弔屈惹起魚龍傷
憊都不見椒漿桂酒罨畫從來無競渡也幸無下瀨戈船
走漁父醉唱銅斗

蘧庵先生令孫女出閣詞以志賀卽次先生原韻

鈿盒同心鏤恰盈盈風吹蟬鬢花籠螭首太史門闌新築
館喜氣塵寰稀有况纔屆女兒節後時端午後一日山上有山齊
太華丈人峯長調追辛柳好騰徧香奩口 崔盧河北真
嘉耦拊鷓雛玉堂花燭璇房箕帚暫了人間婚嫁事東海
依然碧斂把五嶽苾鞋製就却上玉清鑄氏籍挈一雙鸞
鳳成仙友松與栢訂長久

寄興呈蘧庵先生用溪南詞韻

一事然乎否憶宵來朦朧枕上南柯出守碎語幽禽催夢
醒花影半楞還有喜牀下濁醪盈缶一卷烏絲饒寄託怪
時人只道填詞手說詩者固哉叟 虎頭骨相吾甘後更
何煩君平季主推辰筭酉但得千秋傳好句鶯嘴啄花紅
溜也抵得腰懸金斗此意可憐還可笑笑何年碧海懸鸞

走仙路杳綠難偶

與毛子公阮交三十餘年矣往時偶過蘭陵每每

于焉下榻自文友亡後經過郡城輒作西州之

慟坐與故人亦復闕焉不面搦管填詞用呈公

阮仍用溪南詞韻

往事思量否記當時伯仁一醉諸公屯守粉壁練裙沾灑
徧墨汁酒痕都有曾醉請秦王擊缶三十餘年如電抹畫
風光少箇丹青手能幾日頽然叟 風生百感三杯後憶
從君杯傾三雅書窺二酉今日低吟思舊賦嗚咽山泉決
溜歎鶻血啼完幾斗不是郡樓吾嬾上怕重經董相惟前
走忘不得西園偶

迦陵詞全集卷二十七終

迦陵詞全集卷二十八

宜與陳維崧其年著



選

維岳緯雲
弟 宗石子萬 叅閱

男履端

姪賜薛

校

賀新涼

汴京中秋月下感懷兼憶三弟緯雲表弟南畝暨

一二金陵省試親友

萬斛金波瀉遍人間雲鬢玉臂清輝狼籍歷歷扶疎丹桂
影一碧乾坤欲化人正在汴梁客舍可惜宋家陵闕改爛
銀盤依舊當空挂可還似東京夜 關河隔絕愁軍馬憶

迦陵詞全集卷二十八

惠立堂

家山六朝佳麗許多王謝月到故鄉應倍好無限風亭水榭料此際金樽對把已矣飄零何足道鼓天風鸞背終須跨暫且學姮娥寡

作客東京寂寥誰侶西風落葉閒詣旗亭乃延秋全部於此徵歌中有一人云曾相識訪之知吳下陸郎也明日顧余邸舍談諧繾綣余落拓無聊感生厚意爰贈此詞

酒向旗亭賞驀然間歌絲一縷飄來墻罅却是吳中諸小部隊檀槽羅帕群合樂南薰門下中有一人尤相熟是襄王筵上曾逢者一句句鄉關話更闌軟語終難罷歎此間梁臺宋苑斷垣頽瓦我到東京真失計卿亦何爲然也得毋類明妃遠嫁此語殊悲非相戲碎花枝莫漫將人

打英雄淚浩盈把

登上方寺鐵塔

塔建于宋仁宗慶曆四年前朝壬午河決曾沒于水

欄楯浮空去劃玲瓏榴皮石髮青紅無數看盡宣和風景好又看宮娥北渡有多少梨花夜雨西望銅駝荆榛裡等千秋老輩惟吾汝晉宋事總塵土鴻濛一氣憑軒取躡丹梯千盤百級上通玄圃根插中原維地軸其下黃河一縷曾經過怒濤煎煮無限西風神州恨倩相輪做盡興亡譜鈴鐸響自相語

閏五月五日金沙道中次劉後村韻

浪濶鬘珠吐傍城河依然游冶水嬉消暑前月葵榴還照眼又見龍舟鬪虎何不唱公乎無渡兩遍蘭橈招不得笑吳兒枉費閑簫鼓大魚吼撒波舞騷人詞客應相許歎

窮途纍如憐我分予桂爾不信握瑜懷瑾者猶美人間角
黍看萬斛天風正怒此地良常連海館料神仙也念忠魂
苦喚江水捲今古

顏魯公八關齋碑

萬劫何曾壞裂蒼皮筋纏血裏蘚痕攢蠶刃角缺文銅綠
滲郤鼎犧尊兒輩風雨急百靈趨拜多事囚螭還掣虎覆
嶢巖翻恨孤亭在何不放騰光怪 先生當日原兵解想
揮毫握拳透爪筆鋒英快門枕睢陽荒戰壘斷鏃愁燐似
海呼南八聲情忼慨千古雙忠遺跡並剔殘碑洗盡穢濃
態鷹側腦攫天外

九日後一日爲呂舍章姬人催粧

憶昨登高去上平臺茫茫千里碧雲紅樹忽見香塵風外
動帽影衣痕無數人正在銅街偷娶我揀簾櫳深處闌袖
郎當醉學迴波舞還競打細腰鼓 題糕罷作催粧句美
新官顛狂調笑酒龍詩虎俠少兩河誰不識獨跨馬中赤
兔馬上者人中之布屈指明年隨大婦捧掌珠雙向花前
賭蘭與菊秀終古

感事

太息人間世記南譙秋窗夜話客談新異傳說當湖扶風
馬烜奕上卿門第歎仰藥一朝身死紅粉成灰高樓燼笑
當年枉費閒金翠剩滿院斜陽碎 扁舟疾下金蕉寺又
傳聞人天帝釋跣跡西逝多少神仙蓬島葬惹得銅仙流
淚昨又說井陘奇事醉倚江船成一笑總輸他稜角東村
子牛背上笛聲起

輓驥沙朱南池先生

先生諱士鯤明末以明經謁選得粵西柳州府武宣縣南

荒僻遠

國初尚未入版圖先生忠於所事歷

官至吏科給事中子澆任北流知縣壬辰

師入粵先生偕子澆暨闔門三十口俱殉節於

北流之黎村後數年其子溶徒步七千里覓先

生埋骨所卒不得遂慟哭歸余敬爲

詞奉誄并寄其令嗣孝廉澂文學溶

淚濕蒼梧樹是千年騷人謫宦舊銷魂路中瘞國殤三十

口颯杏靈旗似雨光剌剌雲中顧慕鉗錡潭西羅神廟笑

迎神枉費昌黎句須讓爾歆椒醕招魂哭入南荒去痛

孤兒芒鞋曾踏萬山愁霧峭壑懸崖藤幕歷日落啁啾翠

羽尋不徧鷓鴣啼處誰認當年騎箕客有猩猩夜共獠奴

語蕉與荔繡祠宇

南耕齒疾養河南岳山房初夏同雪持南水放庵

過訪詞以贈之

是日有五虎踞坐楓隱寺門

臥疾禪房裡問君年纔過四十胡爲如此人笑君同師伯
齷君只狂呼自喜狗竇豁儘容卿未猶剩左車能決肉更
何妨擁鼻哦經史石可漱礪吾齒青鞋且踏南山寺更
同行詩僧詞客善談名理噉罷山厨櫻笋飯佛閣晴空漫
倚一飽後破除萬事誰坐寺門閒說虎萬山松一霎腥風
起亟搖手真來矣

送蔣京少隨尊公學憲之任豫章

雙槩搖晴淥沂長江潯陽西上浪堆銀屋卿月乘秋映溢
浦高會諸生白鹿美公子翩翩綵服君去鯉庭浮畫舫更
何人和我迦陵曲誰共剪西窗燭秋容一望真如沐照
江山廣寒新樣一輪圓玉此地王郎題賦後依舊落霞孤
鷺文采事筭君堪續莫道衡陽迴鴈少倚西風念我成衰

獨須頻寄好詞讀

連朝霽色殊佳桂叢復放而寂寂空齋秋尋無策
兼之溪蟹大上手中不名一錢俱恨事也詞以

自嘲并柬雲臣竹逸

六曲銀屏矮晃書籤碧空乍沐晴光無賴料得空山叢桂
畔潑徧朝烟暮靄貪結伴鳴榔欸乃篋少青趺愁雇直筭
今年逋了秋尋債還自笑爾胡憊老饕僵臥誰能耐汨
饑涎湖干大上肥香筐蟹擣就橙盞賒得否溪友得錢方
賣笑吟興因君都敗佳節來朝重九是戰西風破帽今還
在只愁被秋陰礙

丙辰九日

廢堞經秋壞削巉巖下臨絕澗奔渾澎海俛仰浮生身世

感滿眼黃榆紫塞笑一碧關河無賴多事劉郎題餽客便
彭城戲馬皆安在賢豪蹟總稊稗橫刀舞稍平生快却
胡爲丹陽男子邇來殊憊細把茱萸簪破帽何限樓船下
瀨歷歷在闌干之外粗飯濁醪吾事畢傍東籬且了黃花
債今古恨漫興嘅

中秋前一夕坐月虎丘

月上空山早喜今夜關河一碧游氛都掃二十年前曾醉

此余自丙申中秋看月虎丘今已二十一年矣坐客錦衣玉貌事已作開元天

寶獨對孤光成太息嘆秋娘已嫁何戡老且細把金樽倒
颯然聲犯龜茲調是征南牙門營將箏琶競攪贏得姮
娥臨桂殿揄袂娟然一笑訝舊曲人間絕少滄海月明渾
是淚料來宵晶餅看逾皎重枕藉澗邊草

丙辰中秋看月虎丘同雲臣雪持賦

風月佳無比看石上水輪漱灑長空新洗金虎寒芒猶未
散耿耿吳宮劍氣越顯得翠奩如水賒取元宵今夜做颯
春燈嵌徧秋山裡十萬盞夜珠綴 懸崖疊巘笙簫沸曲
纔終山腰樓閣嬌歌又起簇坐廣場紛笑語何處香飄桂
子問此樂浮生能幾似欲天明天轉碧透星星宿火吳姬
肆涼兔魄忍西墜

十六夜步月惠山泉亭

短簿祠前月又隨我春申澗畔度林穿樾誰道孤光今夜
減依舊崢泓映徹人尚在廣寒宮闕只恐青天偏有意散
霜華點盡愁人髮搔首望素娥窟 孤亭坐久狂歌發亂
山前中宵驚起林端棲鵲憶昨吳宮絲管開月館風簾盡

揭今只有泉流明滅喧寂乘除原似此筭嬌歌妙舞終須
歌悟此意是賢達

和竹逸江村遇伎之作

寒食江村約正水上紛紛士女采蘭調謔中有一人曾相
識記在那家簾閣驚會面愁他非確細取玉容花下認果
天涯斷雨翻重握花欲謝人猶昨 風前小進休仍却從
古是蛾眉燕領此身奚託我有紅綃無窮淚彈與多情灼
灼悔則悔當初輕諾十載雲英還未嫁訴傷心撥盡琵琶
索且少駐對春酌

贈何生鐵 鐵小字阿黑鎮江人流寓泰州精詩畫工篆刻

鐵汝前來者曷不學雀刀龍笛騰空而化底事六州都鑄
錯辜負陰陽爐冶氣上燭斗牛分野小字又聞呼阿黑詎

王家處仲卿其亞休放誕人笞罵 蕭疎粉墨營丘畫更
雕鏤漸臺威斗鄴宮銅瓦不值一錢疇惜汝醉倚江樓獨
夜月照到寄奴山下故國十年歸不得舊田園總被寒潮
打思鄉淚浩盈把

春日拂水山莊感舊

峭壁哀湍瀉枕春山此間原是裴家綠野金粉樓臺還冪
歷已被苔侵綉瓦蒼鼠竄鄴侯籤架今日西州何限感踏
花枝翻惹流鶯罵誰認是羊曇也 西園疇昔高聲價劇
相憐香閨博士彩毫題怕人說尚書身後好紅粉夜臺同
嫁省多少望陵閒話公定還能賞此否裊東風蠻柳腰身
亞烟萬縷正堪把

送姜西溟入都

去矣休回顧儘疎狂長安市上飛揚跋扈誰道天涯知己
少半世人中呂布仗彩筆憑陵今古伏櫪悲歌平生恨肯
車中閉置加窮綺君莫信文章誤 楊花細糝京江渡恰
盈盈租船吹笛柁樓搗鼓屈指帝城秋更好寄語水輪玉
兔爲我照望諸君墓相約當年荆高輩喚明駝倒載琵琶
女葡萄酒色如乳

岳州大捷

上以二月二日宣凱門外是日正值大雪

紫陌春如綺正巴陵征南昨夜捷書飛至閭闔門開排彩
仗夾道笙歌鼎沸都不用魚龍百戲頃刻鳳樓拋鈿屑筭
今朝玉做人間世洗兵馬豐年瑞 臨軒彌覺天顏喜喜
春城九衢花滿千官珠綴更向銀刀都裡望小襯粉侯殊

麗想入蔡軍容如是譙罷不須宣翠燭水晶毬萬蓋天邊
墜長似晝晃歸騎

送四弟子萬之任黎城 中秋後一夕

月尙圓如許只江郎魂消欲別黯然難賦矯首玉河橋上
立爲我斯須還住看歷歷霜毫白兔假使羿妃知此意敵
璇閨應也愁蛾聚何苦炤征鞍去 此行莫道微官誤算
人間幾多彩筆難紆尺組上黨舊爲天下脊共說雄藩澤
潞趁年少黃皮縛袴若到三垂岡上過倚西風立馬爲傳
語李亞子竟何處

題曹實庵珂雪詞

滿酌涼州醞愛佳詞一編珂雪雄深蒼穩萬馬齊瘖蒲牢
吼百斛蛟螭困蠢筭蝶拍鶯簧休混多少詞塲談文藻向

豪蘇膩柳尋藍本吾大笑比蛙鼃 燕殘樺燭剛餘寸歎
從來虞卿坎坷韓非孤憤耳熱杯闌無限感目送塞鴻歸
盡又眼底群公袞袞作達放顛無不可勸臨淄且傳當筵
粉城柝沸夜烏紫

贈成容若

丹鳳城南路看紛紛崔盧門第鄒枚詩賦獨炙鵝笙潛趁
拍花下酒邊閒譜已吟到最消魂處不值一錢張三影儘
旁人拍手揶揄汝何至作溫韋語 總然不信填詞誤憶
平生幾枝紅豆江東春暮昨夜知音纔握手笛裡飄零曾
訴長太息鍾期難遇斜插侍中貂更好箭髯鳴從獵回中
去堂堂甚爲君舞

送三韓李若士省親之楚 若士尊公時爲湖廣提督

秋到離亭暮美風前珊鞭玉靶翩然竟去借問此行何所
向笑指巴烟郢樹是烏鵲慣南飛處路入南荒休騁望有
陶公戰艦空灘雨醞熱酒浪花舞嚴君坐擁貔貅旅壓
江流一軍下瀨目無黃祖昨夜月明親饗士要奏新填樂
府都不用陳琳阮瑀手掣紅旗翻破陣看郎君下筆驚鸚
鵡後臂種氣如虎

賀李丹壑京闈秋捷

閣學容齋先生令嗣

年少真英發是當年茶陵相器鄴侯仙骨噴沫驕嘶矜寵
甚所向全無空闊喜歷塊過都一抹商隱曾誇袞師好學
參軍祗解翻蒼鶻誰似爾最軒豁詎關家世高門闕羨
便便藝林經筍嶒嶸突兀昨夜月娥臨桂殿笑倚冰輪瞻
窟正付與天香時節來歲杏園花倍好捲東風十里珠簾

揭爭看汝綉袍纈

用辛稼軒陳同甫倡和原韻送王正子之襄陽明

春歸廣陵并囑其一示何生龍若

何名

立馬和君說到襄陽爲予先問隆中諸葛往日英雄潮打
盡怪煞怒濤崩雪今古恨總多干髮再問大堤諸女伴白
銅鞮可有閒風月誰彈向楚天瑟纔逢燕市還分別悵
生平無多知己幾番離合此去武昌魚不少莫惜顏筋柳
骨要頻看鄭虔三絕一幅新詞淒涼犯囑來春并示何生
鐵霜夜吼劍花裂

題大司農五苗圖

梁蒼巖先生夢人貽宋繡一幅長松千尺下苗五苗是歲先生第五郎生因各苗哥戊午秋先生招飲郎舍苗哥出揖屬爲此詞

饋面桃花雪美昌昌搓酥滴粉珠裝翠刷昨夜分明天上

冷玉免初肥時節早謫向姮娥宮闕騎上紫皇獐小鳳笑
群兒項領尋常物粗了了甚賢達 曾經入夢繚綾滑是
宣和寫生墨綉虬松都活今日荷衣能出拜果應蘭芽其
茁筭此事通都艷說摩頂苗哥須記取奮扶搖條鏃行當
掣家自有魏公笏

贈高內翰澹人


家傍紅墻裡美薇郎桃花綬帶翩何清綺白玉闌干黃金
鑰別殿秋晴似水頻宣召絲毫才子塵世那知天上景但
微聞奏賦天顏喜眉子視澄心紙 鄙人瑣瑣吳蒙耳悵
生平潛踪屠釣埋名井里一領綠簑三弄笛伎倆如斯而
已只合向江南閒睡深感雲霄憑問訊筭人生幾度逢知
已燕市上浩歌起

酬贈王山長卽次來韻

城與銀河接正新秋千門碧瓦萬重晴雪薄宦京華愁不
了聊唱新詞數闕還卸取玉簪偷節曲犯梁州偏入破劈
關河幾陣風騷屑英雄恨甚時歇 襄樊軍鼓鳴金鐵問
當年周郎戰壘沙沉戟折一自幽蘭零落後只剩湘潭愁
客笑乞米頻勞書帖稍待酒香籬菊放儘生平細共先生
說恐又惹唾壺缺

送彭直上下第還鄧州兼柬賢兄中郎

且作平生話儘當筵拍張脫帽吹簫舞蔗身是隴西猿臂
種家世由來善射遭幾度藍田尉罵遲汝三年封侯事笑
誰令健筆兼騷雅彼李蔡人中下 臨岐老淚如鉛瀉趁
杯闌幡然竟去輕弓快馬到日賢兄憑寄語撩亂柳綿飛



也有別緒與之成把博望野花紅染血訴行藏風裡休悲
咤恐又震昆陽瓦

送家廣陵下第南歸海寧兼以誌慰

槐影搖清夏送君行紅亭綠酒輕衫細馬家世沙堤兼綉
戟誰不舊知名者况彩筆憑陵騷雅月殿桂華新掇取准
金臺買駿重論價又遲爾三年也 眞珠莫惜離筵瀉儘
人間群兒自貴底須悲詫昨見垂楊詞幾闕訴盡兩昏烟
嫁空歎息娉婷入畫自古柳爲天上宿蹤長條定遣籠鴛
瓦會相見龍墀下

廣陵有楊柳枝
詞感遇絕佳

送西滇南歸和容若韻

時西滇
丁內艱

三載徐園住記纏綿春衫雪屐幾曾離阻又作昭王臺畔
客日日旗亭畫句最難得他鄉歡聚眼底獨憐君落拓又

何堪鵲鳥啼紅去都不信竟如許 千絲漫理無頭緒問

愁棕原非只爲渭城朝雨如此人還如此別說甚凌雲遭
遇笑多少癡兒騃女本擬三冬長剪燭帳今番舊約成辜
負和殘菊隔籬語

雙魚問爲閩牛叟賦

牛叟允閩遺徵日甲申予客
金陵妻獨携子女避地吳越

常手書促予歸爲輕薄子啟
械竊視歎篤勉得性情之正

軍馬臺城裡記當年君留建業妾家吳市江左英雄今誰
在太息周郎已矣空還賸斜陽燕壘一派大江流日夜捲
銀濤舞上青山髻煩爲我遞雙鯉 寄書殷浩輕猿子却
翻言旁無知者臣開臣閉筆格簪花挑來覩不是一絨紅
淚也不賦竹竿魚尾昧且鷄鳴相莊甚笑白頭吟與盤中
字兒女態裙釵氣

送吳璿符歸武林

君去還來否倚西風頻搔短髻且攀衰柳詞句沉雄兼感
激似爾驚才希有論筆勢蒼然最陡可惜男兒分袂易徧
長安尋煞無紅袖誰爲我勸君酒 芒鞋憶昨三邊走正
嚴寒連營毳帳幾重刁斗從古陰山花最少只有土花鋪
綉更只有六花狂吼今日秋容偏湫澀小湖頭西子粧纔
就歸去也恰重九

爲馮躬暨催粧

也

躬暨益都夫子三世兄是日夫子
方有御書之賜白馬珊瑚鞭書中句

河畔秋還未美人間鵲橋先駕紅絲雙繫隔巷新人車乍
到四角銀鈴鳳子已漸近槐廳門第相府沙堤行更穩簇
晶毬滿路玲瓏綴烟月下香塵沸 火城纔散朝回騎恰

元僚赭袍捧出宸章新賜麝墨淋漓題尚濕千古君臣魚
水越顯得門闌有喜白馬珊瑚鞭留住佳兆看他年接武鸞
隊 天語在應須記

夏日爲代菊巖催粧

菊巖滿洲人
乙卯孝廉

乳燕飛晴晝鳳城邊靈符剛換女兒節後報道侯門方合
色預釀菖蒲花酒待醉也玉釵纔溜更喜石榴開幾簇小
闌前要與猩裙闖一般樣胭脂透 檀奴才在溫那右美
催粧昨宵燭下填詞立就耳畔依稀聞郎字似說東籬比
秀惹一笑玉人回首且俟秋來黃菊院捲簾人同倚西風
口問果是誰清瘦

寄贈吳興沈鳳子

時正
五十

笑謂東陽子論男兒泥塗休恨雲霄勿喜自昔奇才多淪

落溷跡屠羊牧豕筭奴價竟何如婢細數平生袁灌少只
掉頭優孟吾知已問五十行年是 碧菰城下烟波美且
徜徉一帆茗雪西風十里地是烏程饒名酒莫管人間萬
事姑引滿頽然而醉難得中秋逢兩度碧園圓長浸空明
裡湖面月又東起

諸城李渭清贈我以龍鬚數莖同曹舍人實庵陸
編修義山沈大令融谷賦余篋中舊有虎鬚故
篇中及之

猛性何曾改記當年玄黃血戰怒濤澎湃一自海風吹陣
破神物居然頽憊冷笑煞紛紛豕豸失勢人豪多類此有
項王勿死田橫敗也一樣歸菹醢 虎鬚舊慣裝腰帶是
銅峰獵徒脫贈爲防百怪長恨此生誰配爾瑜亮相遭寧

再忍竟使淮陰伍噲今日兩雄都入手便山魘水虺逢何
害况自有吾髯在

戊申余客都門時風塵淪落而合肥夫子遇我獨
厚填詞枉贈有君袍未錦我髯先霜之句一別
以來余承乏詞垣而夫子之墓已有宿草久矣
春夜偶讀香嚴此詞往復纏綿淚痕印紙因和
集中秋水軒倡和原韻以誌余感昔夫子填此
韻最多集中常疊至數十首今者填詞用此亦
招魂必效楚聲之意也并寫一紙以示伯通

事已流波卷憶春帆酒中饒恨將詞排遣填到消魂千古
曲燭淚一時齊泣紅漬透吳箋蜀繭知已相憐袍未錦論
深情碧海量還淺丁香結甚時展 買臣自分難通顯又

誰知此生真見禁林春扁俛仰鍾期成隔世便化雲中鷄
犬也刻骨銜恩未免今日錦袍雖換了記前言腹痛將他
典買素紙向公剪

立秋夜雨感懷和尤悔庵原韻

驀又廉纖矣想天邊也應長恨泪如鉛水墻脚野花無賴
極細筭今朝開幾攀摘罷定然流涕擬到橋頭尋日者問
半生骨肉何如此行人少天新雨 颼颼况是秋盈耳憶
家園黔婁有婦宛然鄉里颯颯西風吹去了留贈黃金鈿
子難怪我桐枯心死冷雨茜裙都染血忍相拚送入秋墳
裡憑恨曲喚他起

七夕感懷再用前韻

鵲又填橋矣滿長安千門砧杵四圍雲水長記常年茅屋
下佳節團團能幾有和病雲鬢揮涕縱病倘然人尙在也
未應我淚多如此彈不盡半襟雨 如今賸有屏軀耳便
思量故鄉瓜果也成千里誰借針樓絲一縷穿我啼紅珠
子奈又說春蠶竟死囑付月鈎休灑灑幸憐人正坐羅窗
裡風乍吼粉雲起

中元感懷仍次前韻

節屆中元矣九門邊冷雲新畫明羅疊水朝罷干官紛笑
語知我凝情有幾悄背着紅墻流涕慘不成行西苑柳奈
秋來是物猶如此能禁得幾場雨 總謂薑橘徒然耳想
珊珊魂來也怯路三千里亟倩蘭陀張淨饌拋作貝多羅
子早勘破人間生死覺路蓮燈飄萬盞儘胭脂傾向銀塘
裡化一片彩霞起

中秋感懷再和前韻

皓魄飛來矣鳳城邊打頭驚看一規涼水今夜市樓歡笑
滿盡道此生經幾只有箇人兒雪涕便是月華圓不缺到
良宵端正長如此翻令我泪如雨 酸歌詎到姮娥耳轉
嬋娟漾人簾外一晴千里醉奪吳剛脩月斧腊盡金蟾兔
子更斫得桂枝齊死若使冰輪能解恨照雲鬢但入重泉
裡何必要又東起

九日感懷再用前韻

又值題糕矣滿長安繡旗斜馳車如流水記得杜陵重九
句笑口此生開幾也不似今番揮涕誰去登高誰落帽筭
秋光枉了濃如此轉不若多風雨 諸君未識吾悲耳儘
豪狂功誇漢武智誇樗里到得傷子哀樂後幾陣隣家笛

子心不許英雄不死歲歲黃花清瘦極有和花比瘦人簾
裡腸斷也怕提起

十月朔病中感懷仍用前韻

是日京城士女競燒
冥帛于門外謂之送

寒衣

伏枕經旬矣掩晴窗誰爲稱藥誰爲量水又報鳳城頌正
朔佳節來年有幾便有也徒增悲涕壁角風吹殘曆本細
於塵蛛網徧縈此新和舊恨如雨 梵鐘故遞愁人耳是
隣家寄寒衣去北邙蒿里疇昔春衫誇樣好描盡花兒鳳
子纔直得紅蠶一死今日縱然隨例送怕燕粧難稱伊心
裡燒罷也綠灰起

臘月初六日是余生日卽亡婦忌辰也詞以志痛
仍用前韻

遊陔詩全集卷二十八
十一
嫁與黔婁矣憶糟糠搵他不住兩眸清水爲我懸弧緡
夾下到瑤籤第幾直絮得鸚哥流涕今日蓮幢余轉拜願
相憐再世休如此花蔌蔌墮成雨 安排果繫干支耳記
當年代占鷄卜徧央隣里更喚街南盲婦到彈動香蛇絃
子推測盡五行生死磨竭早知真見崇便長貧忍客京華
裡朝飛雉寒難起

辛酉除夕恭遇 兩宮徽號覃恩臣妻亦沾一命

感懷紀事仍用前韻

一歲將闌矣悵年華挽他不住滔滔似水五十餘番婪尾
酒愁類今番有幾爍燭也替人流涕痴絕客冬逢是節盼
征軺尙冀人來此渾不道竟成雨 栖遲只爲君恩耳寧
不念茶香笋滑銅官故里今日五花沾一命波及臣之妻

子敢尙訴臣饑欲死倘比黃花人尙在製翟衣寄到深閨
裡雖病也定然起

迦陵詞全集卷二十九
惠立堂

迦陵詞全集卷二十九

宜興陳維崧其年著



選

弟 維岳緯雲 泰閱

宗石子萬

男履端

姪賜薛 校

摸魚兒

家善百自崇川來小飲冒巢民先生堂中聞白生
璧雙亦在河下喜甚數使趣之須臾白生抱琵琶
至撥絃按拍宛轉作陳隋數弄頓爾至致余
也悲從中來併不自知其何以故也別後寒燈
孤館雨聲蕭檝漫賦此詞時漏已下四鼓矣

迦陵詞全集卷二十九
惠立堂

是誰家本師絕藝檀槽摺得如許半彎邏迤無情物惹我
傷今弔古君何苦君不見青衫已是人遲暮江東烟樹縱
不聽琵琶也應難覓珠淚會乾處 凄然也恰似秋宵掩
泣燈前一對兒女忽然涼瓦颯然飛千歲老狐人語渾無
據君不見澄心結綺皆塵土兩家後主爲一兩三聲也會
聽得撇却家山去

清明感舊

正輕陰做來寒食落花飛絮時候踏青隊隊嬉遊侶只我
傷心偏有休回首新添得一堆黃土垂楊後風吹雨溜記
月榭鳴箏露橋吹笛說着也眉皺 十年事此意買絲難
綉愁容酒罷微逗從今縱到岐王宅一任舞衣輕鬪君知
否兩三日春衫爲汝重重透啼多人瘦定來歲今朝紙錢

挂處顆顆長紅豆

春雨哭遠公

怪連宵暗風吹雨傷心事竟如許啼衫不恨分飛早只恨
論心何暮溪畔路昨歲裡善權艇繫垂楊樹洞門把炬正
古寺蒼涼亂山葱翠長嘯落松鼠 沉思極不是薤歌聲
誤從來易散難聚衰年故國逢知己天也把人輕妬情最
苦記前日文園一卷多情句病中親付怕碎墨零紈塵昏
蠹損和淚夜深撫

遠公臨沒前數日以青
堂詞一卷囑子收藏

早春雪後柬雲臣

雪初乾銀僵玉偃水牙猶挂簷靈灑灑春泥連巷陌間者
濶焉何久君知否聞說道還京節鎮喧刁斗蠹吟兕吼正
萬斛餘皇千群組練將壓大江口 吾老矣那願濤飛山

走長自尋花問柳春光滿眼原非惡况值小梅紅逗簫管
奏只可惜檀槽金縷人非舊催成皓首待三市月華六街
燈放同飲夜橋酒

吳王生

王生常數文作詞數百首詭云
舊作其敏點如此故篇中及之

記年來百無俚賴聊將小令間做同巷有人才最敏艷句
頗能賡和花影簸寫小字斜行各色蠻箋大携來詫我任
膩柳豪蘇一宵立辨詭說蠹餘課誰能料彈指一坏長
臥傷心腹痛車過歷歷前游還在眼鄰笛吹來入破劉白
墮筭浮世生前對語惟君可慎毋計左不信看城南王郎
新家夜雨綠苔沈

澄江客舍水亭前有野鶴一日飲啄行潦中余傷

其凌霄之質而辱在泥塗詞以信之

倚西風徘徊騁望細流淦淦如許月榭水軒臨斷岸落木
亂鴉無數誰延佇有兩兩幽禽莎徑頻來去柳陰深處看
滿陂蘆葦一川葭菼何計可留汝思前事處士亭栽梅
樹岳陽樓枕湘楚玉京碧海閒風景何限吹笙伴侶時已
暮剩滿眼鷄群噲等爲公伍相憐不語笑古往今來事多
如此且聽夜窗雨

早春接山陽陸密庵先生札兼惠我月湄詞賦此

奉酬

悵連宵暗風吹雨春寒歇在簾罅忽聞鸚鵡籠中說誰送
香詞來也披咏乍似脫線真珠亂向窗櫺灑篇篇無價便
周柳纖柔辛蘇感激材盡出君下爲君說我有鵝笙麝
帕能將風月吟寫旗亭他日從君燕雀擬避君三舍君莫

訝縱牛嶠顧覓今日誰憐者花間曲罷又孟蜀宮前摩訶
池畔春草綠盈把

尊

憶家鄉此時節物四圍糝葉攢錦沿湖小弄蕤絲滑已覺
水香微滲論食品應不數鷄酥羊酪侯門潘流涎那禁伴
玉膾鱸肥雪花鹽豉微雨小橋飲 長安道惆悵愁潘瘦
沈誰吹涼酒初嘗粘匙凝盃知何限絕憶吳娘烹餼渾未
審笑洛下季鷹歸也還由恁思他則甚拚一夜西風五湖
船上倦覓綠簑枕

宋牧仲謝方山曹實庵正子四先生招同人雅集

次日正子和沈融谷詞見贈卽依原韻奉酬

記宵來老顛欲裂要騎碧海鯨鳳銅荷燭淚熒熒滴占滿

衫兒嫌重繚桂棟記留住金鞭不放狂奴控公榮伯仲任
銀井堆霜晶屏漏月藥玉半船凍 吾生事須付酒經茶
董不然帶眼移孔杯闌忽憶家鄉好萬點暗香浮動亭楚
頌更一片筍圍蒼峽連唐貢晴螺翠湧且浣却京塵歆將
冰枕低選客窗夢

東坡買田陽羨欲於此間種橘構

一亭名曰楚頌唐貢吾邑山名

咏窩絲糖

糖出大內遺製今西山一老中
監尙能爲之後恐遂失傳矣

裊春燈赤瑛盤內絲絲縷縷難理平生說餅題糕典慣與
群兒爭嗜銅駝市曾趁徧賣餉小擔簫聲底何曾見此總
輸與筵前輕鬆纖軟弱雪不勝齒 摩抄罷髣髴夢華小
記依稀南內遺製當初楮帕低籠處分賜龍孫鳳子今何
似似宋嫂魚羹又似楊妃荔天家往事也不信宮娥曉寒
呵手搓得恁般細

蓮陂塘

題徐電發楓江漁父圖

問何人生稍滑笏
敝來寂歷如許孤蓬
幾扇西風底滴盡
五湖疎雨垂弱縷
儘水蔓江蕙信意牽
他住寄聲魴鱖總
來固欣然去還可喜
知我者鷗鷺行藏事
不是如今纔悟浮名
休再相誤人間多少
金貂客輪却綠簑漁
父誰喚渡早萬木酣
霜紅到消魂處湛湛
楓樹又遙觀蘆花搖
晴織瑣開了半汀絮

題龔節孫彷彿橋圖

節孫蘭陵人卜居陽羨慕東坡之為人故為斯圖以明志

有蘭陵寧馨年少風前玉樹姚冶縛茆樹柵東溪畔正傍樊川水榭誰圖畫畫秋後霜柑百顆高低亞寒香暎射擬楚頌名亭追蹤坡老此意儘瀟灑人間世總是嚼牛傳

舍休矜文采儒雅海田幾徧栽桑後萬事虛舟飄瓦蜀山下有蘇子祠堂老木曾連把如今盡也便結得亭成他年志遂後日誰憐者

余邑蜀山下東坡書院內古木數株皆幾百年物今剪伐殆盡偶感及之

夏雲峯 第二體

夏雨

楚簾生波湘簾著水夏淺勝春時候豆棚底心情小惡棟花外年光空逗記三春帽影衣香漫細數疎狂未居人後奈六幅蒲帆歸吳雖健却又愁如中酒况是梅天絲雨愴儘按藍野水點來都縐一生事秧車催去四月景蠶房攔就倚小樓看盡吳田只漠漠陰陰不堪回首且白練裙綠苔錢閒寫小詞懷古

金明池

憶亭村草堂柬徐南高

陣陣樵風層層花浪中是康崇舊宅有不斷湖光杳靄遙
山翠陰霽皆滴老梅花玉偃銀僵更門外無數浦帆林笛
記衝酒橋南尋詩巷北細雨帽簷都側 一自飄流辭鄉
國剩露井閒苔和愁堆碧空廊鎖桐花半畝壞屋走松枝
千尺賴故人縛帶鉏園早為我添修藥欄鷄柵料來歲花
開前村社散頻夢春城羈客

茉莉

海外冰肌嶺南雪塊銷盡人間溽暑曾種在越王臺下記
着水和露初吐徧花田千頃玲瓏惹多少年小珠娘凝覷
奈賈舶無情茶船多事載下江州湓浦 姊妹飄流離鄉
土悵異域炎天黯然誰與燕姬戴斜拖辮髮朔客嗅爛樹

駝乳望夜涼白月橫空想故國簾櫳舊家兒女只鸚鵡籠
中鄉關情重相對商量愁苦

臬署寒夜展鵲紅女史梅花畫扇感賦

歷歷殘更沉沉深院坐冷官齋樺燭簷雨滴人聲漸悄又
廊外茶響將熟想外邊片片瓊英都解向紅板橋南堆簇
悵何計尋香無聊展畫小檢齊紈零幅 遙憶粉娥調脂
盞恰和泪勺鉛忍寒被綠簪花格紅欹翠弱没骨繪神全
韻足料霜毫寫欲成時襯纖月如銀斜支臂玉且吟弄空
花摩挲秋扇也弄探梅林麓

蘧庵先生歸自吳門聞携有秋岳先生新詞作此

奉柬

爽岸輕陰滿塘細雨惹得亂帆堆綠片石上千塲簫鼓高

臺後幾番麋鹿記，臯橋近泰娘家。恰梳子將開，枇杷初熟，只白髮江潭。東京遺老傷心，南朝艷曲，近日征南軍馬。盛料不比當年，家家絲竹水驛，閉龍舟誰競。烟舫歇蓮歌，莫續想連天，森森長洲儘野鳥，頻啼沙鷗輕浴。且載得金荃，携將蘭畹歸，當忘憂小錄。

丙辰秋日書事

落落門攤寥寥間，架報道新添賦額。小市對蝸廬，馬磨綺陌，傍朱扉畫戟，總和他絮。鐵錢醪一例，載少府泉刀稅籍。有銅山兔脫金穴，蠅營祇筭黔婁室。瘦巷空壕風蕭瑟，儘堂燕幕烏遯，迓無術人競說。天家權酷誰解學，仙翁點石便天邊。月府清虛怕未穩，瓊樓難安桂魄。見敬業坊前奉誠園外，多少題門賣宅。

咏鴈來紅

苔繡蒼琅蔓縈屈，戍閒鎖街南空宅。見一片霜條露萼，伴臥礎冷絳如織。想斜陽鴈背微丹，斜壓下灑向枝頭堆積。似顛顛秋娘寂寥，班女倦暉畫欄無力。颯颯賓鴻南鴈日正天，水濛濛關河歷歷，淒涼渡青溪，柵口惆悵宿黃陵。廟側徧江南，一夜西風便也學春鶻啼痕，紅裊恨漢苑無花，唐陵少樹，只染晴莎烟色。

綠頭鴨

清和

翠陰陰頓染徧，小園前後果然夏淺。勝春一聲鶯穿窗透，幙滿街絮撲帽，縈巾挑笋偏宜脫。綿乍可風光尤喜，恰初旬清和景，水烟畫就，穀雨搓勻。漫因循溪山好在，何妨

荷篠垂綸笑無端一場春夢問幾度百歲閑身趁冉冉柔
青緩綠吟興劇鮮新烘朶玫瑰剪枝芍藥摘梅羹酒且娛
賓屈指筭盈盈桑婦漸作茶人

笛家

屢擬過紅友郊庄探梅連雨不止詞以柬之

五里鶯聲半村花氣南郊迤邐歸樵遙指君家近屋頭濕
翠窗眼疎香濺裙水漲落燈風緊准擬携琴也思側帽與
細箋離恨渡斜橋背山郭一片酒旗作陣 隱隱詎知連
日烟迷楚岫柳髻全低雪壓吳天蘭心乍困贏得倚徧雕
闌日晚吹徹玉簫涼嫩况添西樓夜窗疎雨滴碎人方寸
便有日訪溪梅多官落英鋪粉

九日長安遣興

秋士心情女兒節物慙慙愁坐綠樽雖滿何心勸帝京此
夜鏤棗成斑煎酥凝獸題糕才健麝帕紛貽綉旗細裊點
綴侯門讌正新晴恣游賞天氣不寒不煖 閒筭去年九
日有人樓上笑摘黃花斜倚西風任他簾捲今日懶覓登
高伴侶愁望秋槐宮殿幾度逡巡一番追悔且倚闌干徧
怕萬一鳳城邊瞥遇南飛沙鴈

己未九日蛟門招同諸子游黑龍潭次實庵韻

滿目新晴無邊野興休論萬事且須載酒題糕去靈湫鏡
黑仄磴泥青有人言是老龍蟠處一樣重陽兩年羈宦往
事零如雨被游人問昨歲破帽猶然存否 重晤竹西詞
客剛來京國亟拉吾徒洗琰持螯翩然豪舉只憶深院小
黃花朶空顛釵梁髻縷獨夜茫茫他鄉惻惻飲罷迷歸路

風急也白楊邊颯颯定和誰語

畫屏秋色

西城秋眺懷緯雲弟久滯都門未歸用夢窗詞韻
放眼孤城側落照前一派傷心秋色叠浪喧歷怒濤澎湃
西水關窄聽黃葉村中乍揚砧響旋復抑釀晚烟如此碧
更節近茱萸天連烽火不許離人此夜不成思憶 前夕
蓮銅暗滴夢重逢帝里艷飾錦箏銀瑟弟酬兄唱燭紅瓊
白睡醒後含愁寄書盼斷無去翼念久客誰舊識囑付暮
雲知今宵消盡也得人在暮雲以北

白苧

早秋飲蘧庵先生宅隔牆聞絃索聲

淡銀河映缸面紅鱗微白蕉軒梧徑雅稱秋晴寂歷更蒙
茸幽花雜卉徧狼籍快意儘樽前休苦問戰旗消息日沒
杯闌再向空塔布席有萬斛西風把小墀都拭 疑惑幾
層薜荔一帶繚垣何來遞響高下玲龍之極久知是隔院
檀槽低摘淒淒四座似蘆花楓葉潯陽夜舶惹得今宵無
數吟蛩墻下於邑併入哀絲倍作涼颼激

春風裊娜

甲寅元夜

記舊時元夜月挂紅樓釵影亂笑聲柔火蛾兒簇着凝粧
艷粉輕盈妖冶打塊成毬的的春嬌溶溶夜景夾路銀花
爛不收一曲紫綃催薄醉六街絳蠟試清謳 誰料一天
冰彩化爲絲雨隨風去灑徧皇州縈蝶翅困鶯喉誰家拋
盞何處藏闌微雪猶零怕沾鞋印碧雲未合莫上簾鉤風

光非舊歎傳柑佳會今年換做萬里邊愁

正月十二日同陸翼王宋旣庭吳志伊慶百徐大

文葉九來道子李秋森游白塔梅檀諸寺

被東風入戶喚作春游新霽動峭寒收望崢泓太液龍堂
鳳翔參差上苑碧甃銅溝元夜風光天家亭館樹已將花
人少愁帽影帶晴薰御陌鞭絲和煖糝皇州 經過梅檀
綉利蓮幢芝蓋行人說翠輦常留金犢穩雪蛾柔一車鶯
燕十里驛騶舊族崔盧花翎茜袖新粧秦虢秀鬢明眸獨
憐高處有塔鈴碎語當年此地遼后粧樓

引駕行

東旣庭

全吳館內破楚門邊十年事記冶遊作使與卿並倚吳閨

清狂簾前璧月橋頭畫縠鈿轅畔游閒公子紅燭銀箏醉
玉溫香平康况曾經邂逅枇杷巷口掃眉娘想那日妖嬈
喚馬藥欄微雨碧城涼難忘 無端一別腰身瘦盡東陽
奈曉風殘月夢回酒醒往事微茫堂堂問江東士女塗轍
誰令我輩妨料章華才子也應點兩鬢吳霜

十二時

偶憶

綿濛二月如酥雨做出銷魂天氣更獨客冷冷清清地拚則
向紅篝倚燈地香焦天寒酒醒往事難提起想那日元夜
迷藏裊日鞦韆人在綠楊絲裡 更當初戟門嬉戲一部
烟花軼記簾畔分釵屏間借曲無限懨懨意便海棠月上
夜深誰放花睡 奈幾年飄零羈旅已隔千山萬水昨歲

銅街記曾一見隱隱卓金車子恰柳花如夢又早香輪過
矣

觀獵

儘生平骨偏騰上那識世間劉表嗟落魄古長安道市上
荆高又少見說城南群公會獵撫掌轟然笑有十隊細馬
輕裘硬箭強弓圍簇盤鷗綉襖往觀乎且爲豪耳莫以
粗材相誚斛律諸人敖曹若輩馬上詩偏妙倏髀鳴鴉
拂林迅落飛鳥坐平岡燎狐炙羶燕女如花迴抱熱洛
河斟婆羅門舞渾不似彈邊調只李陵安在碑前野鳥群
噪

蘭陵王

春恨

香腮托人與梨花俱弱東風外斜壓香衾感損瀟湘遠山
角鏡鸞空掩却愁覩玉肌減削又不是中酒傷春盡日沉
吟倚粧閣唾花裙上落奈紫棧纔溫紅綿正薄水晶簾
額輕寒絡更陣陣春雨懨懨殘日小樓欲睡那便着且自
漱春酌飄泊舊時約只柳綿花絮年年如昨綠偏平蕪
天又各念馬嘶門外聽來常錯清明寒食無限恨燕子覺

秋况

倚簾閣爽氣直通寥廓涼瓦上澹澹初暘影似干將淬秋
鏑搗衣聲亂作響入愁人院落西風峭陡把素砧攪入霜
天白翎雀曲終睡還着夢匹馬長城迤邐沙漠渾河路
黑探兵錯見都尉毳帳賢王獵火敵樓颯颯起鵬鷲下短
草如削驚覺倍蕭索漸暮色龍葱水烟噴薄夜蟾早逗

東牆角炤滿地青桂半街紅藥可憐月底又送到深巷柝

詠閨人簞錢

粉牆側風遞綠窗信息琅然響莫是青錢簞入苔痕竟無
跡輕圓留不得小玉春纖低拾喧笑處競理輪贏朱汗龍
綃背人拭 春慵倚窗榻漸搓柳沉思搯花追憶人生幾
度逢寒食怕連朝風雨滿城烟絮韶華浪逐榆錢擲一文
便難直 小立悶還積筭幾篋青蚨半貫赤仄卜多字蹟
都侵蝕且潛買歡笑強驅愁寂團圓嘉識把五銖看似歷
歷

大酺

七夕坐客大合樂漫賦

歷歷銀颺簾外落又是一番節序今宵停寶杼正南部烟

花西風牛女端正窺簾輕狂換盞多少良儔俊侶有白髮
何戡青春張緒流商刻羽漸露濕瓜筵月穿針孔紗幘無
暑 醉搖梔子樹是鬱金堂後西偏路誰知道三生杜牧
前度劉郎重來還到聽歌處鈿盒一朝分記不起長生私
語筭此際情偏苦離多會少豈獨天邊河鼓客且歌完全
縷

溪行野店小飲卽事

正野塘邊春帆底水膩吳綾一束看看寒食到小梅英粧
褪暗彫香玉杏盞撩晴鶯雛拂曉幾對鷓鴣爭浴板橋西
客店颺酒旗作陣帶烟斜撲有秀靨映門嬌波窺戶當壚
情熟 篙師休浪促夾衣解貰飲何須贖君不見一生惆
悵半世因循吳霜偷換修蛾綠况聽關山夜流多少從軍

笛曲拚美醜傾千斛轉船解纜社燕風簾相觸泥香輕墮
簌簌

題毘陵海烈婦祠用片玉詞韻烈婦徐州人流落
毘陵艷色爲漕卒

所窺迫之
不屈而死

悵廟竿紅垣衣碧門外銀濤雪屋群妃蓬島讌御天風來
往釵鈴戛觸寂寂小姑情情聖女苦烏啼歸修竹古苔壞
墻滿任脫韁石馬畫廊眠熟歎螺髻煤殘蝶裙灰燼夜長
人獨 靈旗歸太速神絃歇醉現扶華轂可惜是亂水彭
城舊家小沛望鄉徒極登臨目入不言兮出學唱箇秋墳
鬼曲怨青塚留江國斑斑恨血土花墳起紅菽水腥打滅
翠燭

迦陵詞全集卷二十九終

迦陵詞全集卷三十

宜興陳維崧其年著



選

弟 維岳緯雲 叅閱

宗石子萬

男履端

姪賜薛 校

瑞龍吟

送董舜民之廬山用周美成春景原韻

西江路多少溢浦波濤鞋山烟樹相傳白傳當年月明送
客青衫濕處 船須竚記得南康一郡大江門戶此中萬
疊匡廬夜深毛女綠崖笑語 君到試窺峭壑縈紅繚碧
獅蹲豹舞第一爲訊棲賢可能如故捫蘿剔蘚好劃紀遊

句只休望楚江赤壁吳天瓜步怕事隨潮去望時又惹高
人愁緒短髮搔千縷君且坐峯頭拈花成雨晚來拍手白
雲堆絮

春夜見壁間三絃子是雲郎舊物感而填詞

春燈地拚取歌板珠縈舞衫塵灑屏間乍見檀槽與秋風
扇一般斜挂 簾兒罅幾度漫將音理水絃都啞可憐萬
斛春愁十年舊事慊慊倦寫 記得蛇皮絃子當時粧就
許多聲價曲項微垂流蘇同心結打也曾萬里伴我關山
夜有客向潼關店後昆陽城下一曲琵琶者月黑楓青輕
攏細研此景堪圖畫今日愴人琴淚如鉛瀉一聲聲是兩
窗閒話

夏景

天將曙黯淡殘月窺窗朝霞映樹起來喚婢移床貪他井
畔早涼無數 悵誰與俄頃碧雲低捲火輪高吐海天萬
里炎蒸渴龍天矯陽烏旋舞 恰喜水邊桐際風簾瀕洞
曠然無暑長晝且將馬蹄秋水間註松風小沸親柝旗槍
糞還消受竹肌墜粉荷珠跳雨漸漸斜陽暮亂蟬嘶到最
消魂處茉莉枝頭乳浴罷碧闌干簫聲一縷無人只有冷
螢來去

西平樂

王谷臥疾村居拏舟過訊同南畊賦

篠里東偏俞山北舍中有隱者茅堂鄰圃鈔書隔溪踪跡
一村風雨歸庄歎壁向霜天陡立骨爲殘秋太瘦多時曬
藥西軒終朝行散南崗我買烟舸過話柴門下深巷劇空

蒼 只須剪燭無煩烹韭欲與君言竟上君床君不見石
鯨跋浪鉄馬呼風今日一片關山五更刁斗何處乾坤少
戰場且擁孺人相携稚子讀易歌騷把酒彈琴強飯爲佳
慎毋憔悴江鄉

春夜寫懷

象管慵拈鵝笙懶炙春困斜倚圍屏往事難追舊愁易惹
更添夜雨淋鈴記一騎衫痕似血半夜簟紋如水鳳凰橋
上吹簫蝦蟇陵下呼鷹幾處鞦韆綠水風弄影篩碎碧潭
星 秋娘一去酒徒何處萬水千山有影無形縱有日重
遊洛下再過秦川鶴髮相逢話舊覓徧樓臺祇剩寒鴉與
亂螢十載浮名半生故國且剩閒身野寺山家布鞵青鞋
花前到處飄零

玉女搖仙佩

客大梁月夜感賦

客愁無那何日歸程真向江淮起柁惱殺天邊一輪明月
掛在玉津園左照着悽涼我又鴈飛牆角馬嘶城堞枕稜
畔如水似鐵仰視中庭數點星顆便有夢還家生怕更樓
已曾合鎖 擘阮薰香都情祇剩繽紛簾影對人低簾暗
數從前宣和風景多少花驄鳳舸此夜誰端坐匿笑處顛
立幾行釵朶想又是天街似水梅花糝地內家一陣香車
過遙映着樊樓燈火

登姑蘇玄妙觀彌羅閣

仙壇寵崑複館飛簷架在蓮鬚藕孔刻畫仙靈雕鏤龍鬼
百怪躡梁拱目眩神懷恐更閃電金泥綃窗月湧到烏

雀更無聲處恍惚瓊樓寒氣微中童女守丹爐碧奈花前
玉笙閒弄 前度劉郎情重笑拍闌干何限塵埃蠖蠖銀
漢茫茫絳霄寂寂訴與舊遊鸞鳳淚灑鮫盤凍吳宮事只
恨當初蠶種空留下湖山幾點蘇臺一帶年年花草昏如
夢東風外綠波微動

咏水仙花和蘧庵先生原韻

海國春深洞天日晚飄下幾枝仙葢望去疑無看來入畫
朶朶風前擁髻欲取餘花比奈緋桃綠柳大都難似髣髴
是楚天如夢湘水如苔月明千里有三兩鮫人群弄明珠
凌波游戲 今夜空廊單枕酒冷香焦忽墮花前閒淚憶
得年辰那家庭院細雨簾垂丁字人與花同倚說不盡此
夜一欄空翠誰信道畫樓天遠綠窗人去看花長恁慊慊

地料花也舊情還記

多麗

題余氏女子綉陳思洛神圖爲阮亭賦

問多情今古誰堪雄長也無如曹家天子西陵臺上虛帳
更傳聞東阿子建少年情緒駘蕩水上明珠波間翠羽洛
神一賦神飛魂愴只一事家王薄行難對中郎將恐他日
黃鬚兒子亦起非望 又剪出輕雲態度綉成流雪情狀
歎香閨一雙纖手比似文心誰瑜亮便使當年袁家新婦
自臨明鏡圖嬌樣也還怕傳神阿堵宛轉須相讓凝眸處
婀娜華容千秋無恙

爲李雲田周少君寶鐙題坐月浣花圖

平韻體

煖紅篝月輪斜挂粧樓恰雅稱香閨心性下階小試蓮鈎

好風篩窗紗影碎涼露浸簾縠紋流裙帶微飄玉奴私語
人生易值此宵不何況是楚天巫峽李漢嫦娥別種清幽
美此夜月光人面端正溫柔 漸滿砌矜嬋紅藥如啼欲
睡疑羞倩輕綃秋棠宜盥央小玉夜合將收更與傳言月
波堪昏莫問銀床玉井頭想像處花前人月永夜費凝眸
還只怕畫圖難肖擗管增愁

劉公駭吏部每爲余言蘇門百泉之勝冬日行汲

縣道中遙望峯巒幽異未及登眺感賦一闕并

以寄劉

記劉子語我蘇門山好更百泉澄泓蕭瑟雷輓千尺銀瀑
亂松崖經聲夜落古猶溪樵風晨噉壽栢瘦藤危梯惡棧
山無不樹樹無不鳥徑崧裕數間虎落時響幽人銚儵然
也指間絃歌山前月曉 一自渡桑乾河水馬頭恒向西
笑擬十月寒衣手綻來作山村荷蓀太息塵踪難攀仙境
重來猿鶴應相誚祇望見蒙茸羃歷一派青難了回頭聽
似有人兮山半長嘯

水

玉壺中井花徹底都疑訝漣漪風吹難皺潺湲一夜無聲
太玲瓏鱗堂貝闕偏確犖玉甃銀屏烈士心邊佳人肌上
一種晶瑩彷彿曾還應似飛仙劍俠灰冷萬緣僧都只被
奇寒苦凍鍛鍊纔成 記前冬蘆溝南下歸舟却阻河凌
四絃彈頗黎劈裂萬挺擊琴筑琮琤玉駭蛟愁珠飛兕吼
蓬窗千里夢魂清回頭笑京華炙手歲歲火雲蒸還虧煞
沿街六月喚買凉水

清明兼上巳

巳丁

笄風光依稀纔過傳柑又取次韶光媚眼今朝三月逢三
映一行水邊粉屨立幾簇橋上紅衫皂莢園中丁香樹下
春人影落百花潭又何處東風作陣吹綻碧桃緘從古是
清明上巳兩好難兼 恰經過幽坊小市衣痕髻縷廉纖
翠蛾招流觴巷北黃鶯喚潑火城南艷粉墻頭紅香帽底
花枝婉婉礙晴簷爭留住錫簫戲鼓准擬待新蟾歸來晚
梨花院宇情緒懨懨

初夏同雪持南水放庵游南嶽小憇楓隱寺

弄微風城南賣酒旗偏且屏當笛床棋局停橈第五橋邊
嶺濛濛如將着雨波細細尚未成烟妙欲生香空能釀翠
人家四月焙茶天迤邐處松脂石骨碧暗寺門前僧寮好

窗中籬笋厨下山泉 試低徊亭臺金粉曾經烘染多年

畫廊欹半龕佛火雕欄換一抹寒田誰向行人頻提往事
小樓鶯語最輕圓支頤久危岡亂木暝色漸蒼然徐歸去
群峯帶我晚髻尤妍

箇儂

卽六醜揚升
庵易今名

孫坦夫招飲女史澹容家分賦

轉辨蓮巷左見梵字粉紅墻角恰直箇儂曉粧勻面藥花
寇喔喔正蟬窗象格西風輕颭有碧桐花落蕤紈秀鬢工
調謔人是雙文藝精六博種種玉織花弱喜宿醒微析春
心猶惡 酒狂如昨但人生行樂此際秋娘最憐輕薄樽
前况有韓媽碧雲天偷擲鸞簫低學更主是多才孫綽平
康巷膝席分曹滿座雄談馬稍囑金吾莫收更鑰別來時

斜倚朱闌口偶然思着

丙午元夕雨

聽今宵疎雨也算做一年元夕舊事流波一往如何覓香
街馬跡記常年燈市鞭絲帽影有許多相識闌珊燈火梅
精立雅淡衣裳輕盈姿格人月同時一色便旁人也道此
是秦虢 萍踪頓隔怕舊時李益昔日君平無人憐惜簷
前點點滴滴似替人流淚學人悽惻拚此去花朝寒食都
只向雨雨風風趁盡春光九十紅篝擁夜寒側側擬此情
并春柑傳與何由寄得

秋日將往吳門先寄園次澹心展成旣庭諸子

倚晴闌極目見檻外吳山如積罷酒登艫尾烟篷浪船舞
破空碧問館娃何處亂鴉啼換了水鄉江國渚蓮低掩紅
衣泣似倚寒塘暗傷斜日將愁惹他行客悵千年霸氣彌
望陳蹟 故人寂寂任盤門小宅臨頓荒園蕭然裙屐來
朝候我簷隙准秋燈夜綠對床同剔奈烟郭猶遮數驛且
趁着萬頃洞庭縹緲挂西風席船娘唱水面爭出共江關
一片參差櫓更闌聽得

夜半樂

春夜觀小伶演葛衣劇

任西華
故事也

當時江左才調樂安任昉風麗推無偶記驃騎陪軒秘書
把袖青宮好士朱門結客更聞出入宮輦翺翔苑囿奈玉
樹人世偏難久諸郎憔悴至此西華東里南容北叟漫細
數平生密親懿友葛帔誰嗟練裙疇惜可憐野鮮動輪門
稀漬酒想此事將毋古今有 閱此不覺滿瀉瓊舟狂斟

玉斗我論絕交君信否倘然疑君再聽當筵紅豆筭蘭薄
何必籌身後清歌且喜簾垂綉

六州歌頭

邗溝懷古

江東愁客隋苑暗經行鶯語滑游絲細夾衣輕正清明追
憶當年此際樓臺外鞦韆畔棠梨樹垂楊渚玉簫聲
一自風烟滿目傷心煞水綠山青看江都雖好舊跡已飄零
憔悴蘭成意難平念寄奴去黃奴老今古事可憐生回頭
望隔江是石頭城草縱橫樓船南下日君王醉未曾醒
宮車出晚鴉鳴使人驚惟有一江春水依稀似舊日盈盈
想參軍鮑昭欲賦不勝情此恨曾經

竹逸齋頭閱馮再來所著滇攷賦此懷古

披圖長嘯發響劃巖巒日南路真萬里扼雄關是苴蘭憶
昔繁華日輦寶布輪荷醬熨僮麗賅錢重雜花丹 靡莫
泮泮有幻師費弄善舞能彈更五溪六詔縈繞點蒼山鳥
道孱顏峭難攀歎今古事多割據瀘水黑甚時乾响町國
哀牢郡笑征鞍不曾閑莊躡開邊後蒙氏廢段家殘 離
宮壞金輿杳沒諸蠻髣髴三郎去淋鈴也何日回鑾祗昆
明劫火映戰血成斑羅袖紅殷

春霽奇興

連朝陰雨愁煞嫩寒餘今晨起驚霽色晃塔除上人裾盥
罷抽書讀哦騷易繙莊老纔散帙旋掩卷撚吟鬚 試聽
春禽碎語低頭想有箇僧廬翠畦恰半畝旁用竹闌扶樹
影蕭疎着花初又前村外斜橋畔烟羃屋徑紆徐挑酒旆

搖歌扇喚提壺小花奴正接天裙幄沿綠水匝平蕪念
此樂真忘死擲吾書叔子固云佳耳較雀臺諸伎何如一
生幾兩屐彼歌者誰歟且往觀乎

小諾臯

夏雨

密灑修梧輕敲疎竹一雨碧天如此正日長亭院無膠羈
人徙倚滿目烟潭草閣多少紅蘭白芷更明珠瀉向荷錢
容裔極浦沉沉前汀瀾瀾又小樓玉簫和雨吹入愁人心
裡無限事思量起此際凭闌幾回推枕總是故園千里
忘不了冰簟生寒玉釵着水風景而今依舊無奈鬢絲不
似攔流落楚尾吳頭而已今夜樓中明朝篷底便瀟湘宋
玉悲秋未必此情堪比天欲暮雨不止

寶鼎現

甲辰元夕後一日次康伯可韻

是歲元
夜月食

星橋未瑣火樹仍放風光清綺渾不散游童白馬雜香笙
簫闌寶砌香奩畔又夜情思整笑看蘭釭結蕋漸耿耿金
波萬頃一派天街似水昨夜辜負無眠意在費盡描朱
刷翠問天上素娥因甚杳若秦樓羸女吹倚桂樹盼廣寒
車騎無質霧迷三里元宵夜一鈎殘月仄在碧雲堆裡
幸值今宵重輪現泰階重履只鄒枚漸老何日宸游陪侍
趁良夜向春城醉醉語如花伎歎光景好處難圓月也與
人無二

題定武蘭亭初榻和蘧庵先生原韻

筆精墨妙風雅相尙當年爾爾論戈磔爭誇典午人擅非

花兼蠶尾誰第一是右軍逸少庾翼家鷄莫比庾翼書云兒輩賤家

鷄愛野雉皆學逸少書須吾下當此之有妙帖鵝群裏鮮神蹟尤矜修禊

一自賺入梧宮閉伴寶衣長殉幽翳還幸得榻來定武石

本離離騰古翠視淳化與光和兒輩色鬪鷄羹象篋供歷

代君臣清賞流徧深宮禁邸 人世滄桑閱幾度劫灰馬

矢歎龍僵虎踞波及魯魚亥豕指老眼向殘縑裡滴透銅

仙淚痛多少玉盃珠箱鬼賣長陵夜市

怨朱絃

寄菑川畢載積使君

憶水嬉天氣鮮新蘭葉離離燕子紛紛賣餠時候韶光妖
冶撩人樂游原上平康曲裡舞衫歌扇如雲更廣陵水色
半是堆藍半是拖銀樓上珠軒九曲船上湘簾四面一樣

無塵還爭羨綠楊低處刺史留賓 正吳娘細繪紅鱗玉

簫作使綉簾橫陳小史菱花妖童荷葉宜笑宜嗔嬌歌一

曲美酒千巡忽見夕陽零亂且隨著裊裊金鞭隱隱香輪

早辦兩行燈火留待參差歸騎同入城闈奈此日依稀記

省事已前春

穆護沙

題茗中沈鳳于孝廉被園偕隱圖

吮黛調鉛素偃霜毫渲染如許是東陽才子蘋洲詞客壓

倒秦觀賀鑄携娘媿吹簫樓上侶小葺個短籬疎圃藥砌

畔紫葳蕤放花架外玉鬚髭吐嫩紫嬌黃長紅小白烟條

露葉倩誰梳恰曉粧纔罷手香輕摘人在綠窗語 惆悵

襟懷誰訴鎮相看卓家眉嫵正春衫對挽蠻牋低墮情知

粉郎新句怕笛伎，人歌易誤須紅豆。今番親譜小立有，簾前桂子授意把碧簫。潛取拊擋偷聲商量減字月波浸，微畫屏虛向前溪更滌冰。甌宵闌煎顧渚。

三臺

春景用万俟雅言清明原韻

又紅閨掛殘斜月香塵鏤，完微雨整飛蟬。一望碧虛前見，皎鏡溶溶南浦風光汎。漸薰垂楊縷，三春景如花似霧。鞦韆社淡日濃烟，蹴鞠隊，籥箏急鼓，料鳳城鈿車寶轂不住，紛紛來去。喚桂子小玉報花香，日煖與隔牆隣女。踏青須結伴東郊路，看多少綉簾珠戶。喜今日滿院晴絲怕明朝，一庭落絮更杜宇。喚取春老榆錢，壓將春暮憶去年元夜，玩燈時曾立在火闌珊處。轉盼又星橋燃蠟炬，鬧蛾兒

紅樓紫府休沾惹，竊玉閒愁且安排。尋香公務

拋毬樂

咏美人蹴鞠

聞道凝粧多暇，蟬髻嬌嬈，勻面纔了。綰額初竟，纖纖眉嫵，蘸畫縠翠羽低飛，墨香閣紅襟新乳。正好作劇尋歡，小疊魚箋，遍約嬉春女。向煖日紅樓商量，細數氤氳粉澤，喧闐笑語。筭白打鞦韆和格五，總然無意緒。且水晶簾畔斜穿鞠域，相邀同去。此際綽約輕盈，嬌花百朵，瓊枝一樹。寶釵鬆羅襪，小爭漾絳綃窮袴。玉醉花欹，吹亂紅巾幾縷。一泓香雪臨風慢舞，髣髴似滾瓊閨絮。更香毬將墜，最憐小玉多能，傍觀凌波微步。漸蹴罷春愁，扶髻影嬌喘，渾無語。小換輕容，滿身紅雨。

稍遍

咏彈箏

何處放嬌研羅裙上一寸銷魂地倚桃笙恰恰罷梳頭正
是懨懨天氣上青樓輕攏鬢棗乍捱纖笋萬種情如水正
搭定鮫綃粧完義甲十二鈿蟬櫛比對玉荷清影顛瓊枝
又小語流鶯上柳絲慢撚斜搗髮髻衫偏那人情味似
秋夜楚天急雨彈入空舫裡鼓神絃含商嚼徵盡伶俐拍
碎棠梨唱殘紅豆一隻玉剪低還起印粉痕圓凝愁聲重
碧到眉峯無際怪窗前簌簌落紅輕墜見十五檀奴綠窗
西要竊聽曲中私意不覺閣住銀簪婉轉籌身世種玉前
緣簸錢舊事脉脉縈牽不已家鄉秦隴幾時歸此曲可憐
猶在耳

酒後柬丁飛濤卽次其贈施愚山韻

大叫高歌脫帽驪呼頭沒酒杯裡記去年馬角未曾生幾
輿公爲無是君不見莊周漆園傲吏沈洋玩弄人間世又
不見信陵暮年失路醇酒婦人而已爲汝拔劍上崦嵫今
虎豹君門勿然疑古人有云雖不得肉亦且快意君言
在遼西大魚如阜海無際饑咽冬青子雪窖人聊復爾土
炕夜偏長燭花空湧琵琶帳外連天起更萬里鄉心三更
鴈叫那不愁腸如醉我勸君莫負賞花時幸歸矣長噓復
奚爲筭人生亦欲豪耳今宵飲博達旦酒三行以後汝爲
我舞吾爲若語手作拍張言志黃鬚笑捋凭紅肌論英雄
如此足矣

讀彭禹峯先生詩文全集竟跋詞卷尾兼示令子

中郎直上兩君

自古穰城從來宛葉嶄絕誇形勢有千年諸葛臥龍岡蕭
蕭英魂霸氣其西引武關商於六百昔人以戰爲兒戲其
南控襄樊析鄴房竹常產畸人烈士公也生值亂離時好
說劍談兵射且騎鬚作蝟張箭如鷗叫言天下事噫此
世何爲巖疆好以公充餌熨爨牂牁地鬼燐生鼓聲死猶
記靖州城連營賊火楚歌帳外凄然起公左挈人頭右提
酒瓮大嚼轅門殘齒奈縛他烏獲矐漸離則女子傭奴盡
勝之論通侯羊頭羊胃吾讀公也全集有刀聲戛觸人聲
嘈噴舞聲絳繚更雜筑聲淒異忽然牛飲酒池聲又鬼聲
啾然林際

曾庭聞至

有客蒼然萬里而來精悍眉端做訴蹉跎少壯迅流波筭
狂奴半生磊砢炙轂蹀高談直驚帝座周旋與我寧爲我
嗟廿載河湟全家關隴虞兮其若之何況赫連城下虎腥
多更無定河頭毒龍窩夜少氈房馬腹中間鼯哈竟臥
邀羌女秦娥豪豬皮染茜紅鞋脫帽侮群帥醉來遑恤其
他奈少婦窮邊三年淺土壤羅裙被楓根裏遂不覺神傷
悄焉淚濕浮生漸識因果乃豪氣狂踪盡摧挫向法鼓齋
魚修梵課更誰知劫風吹墮今年作事大謬又振蘆溝柁
道路上路鬼揶揄近日前輩何其計左東風下第渡滹沱笑
洛陽黑貂裘破

戚氏

東程邨文友

想當年黃公壚畔興翩翩盤馬雕龍春風門巷盛貂蟬有
鄒陽董相一時賞譽重琅玕畧記旗亭遊處都相似爾我
周旋自許上流人稱名士終朝蹋臂繁牽更兒呼德祖弟
畜灌夫意氣無前 憶唱綠幘金丸風流放誕並坐響鶻
絃髣髴是巷名金線幕號紅蓮回中下杜油壁雕鞍曾經
墜粉遺鈿狂奴減未癡人死未詬厲語亦相憐 分携成
舊雨酒闌追省一往淒然同學少年雖健奈酒徒散盡不
堪言道政坊頭延秋門外憶了千千萬論窺簾映柱人何
限都分付碎雨零烟念故人一樣艱難總蕭瑟江南庾子
山寫瑤琴怨我彈未了又怕君彈

鶯啼序

春日游平山堂卽事

三月雷塘口多少游絲浴鷺正潏灑文毅初平金溝種滿
芳樹屏幕津樓斜蘸水軟韞春院閒吹絮喜夾衣初試艇
子一雙搖去 陣陣鬢絲層層簾影齊問平山渡隔船紗
裊裊亭亭影落淥波深處照菱花水面明粧唱竹枝風前
詩句又東園芍藥纔紅金鈴爭護 蘭橈小攏看遶徑裙
花漾塵微步漸鋪遍氈毳玉笋飛觥春纖拂素紅子低敲
青梅小摘欄干却立頻回顧驀地見玉鈞斜下路傷今弔
古黯然偷注橫波此處是隋皇墓 幾番悵悵流水東風
往事渾無據且趁江流正滑好放蜻蛉慢搖紈扇重歌金
縷暝翠將沉船頭欲轉茱萸灣子紅橋下妬游童寶馬將
人覷可憐此際歸來兩岸榆錢一天絲雨

蘭陵邵子湘有畫像五幀一展書一課耕一垂竿

一游嶽一蕉團索予題詞余因賦是篇

一圖執卷堂前後蕉黃竹翠環墻隙激水鏘鳴漉漉聲循
簷際中有一人攤卷讀不知所讀何經史想讀當佳處時
復奮袂抵几 其一江村滌場納稼髣髴柴桑里做村扉
箕踞松根揮斥田奴彊以映斜陽老特驅來漾新瞻雛鳧
驚起芍陂樗杜足平生千塲磴確 一圖泛艇濕徧船頭
綠簫是洞庭烟水軟幔障疎櫺斜裊茶烟細縈溪尾釣得
鰲來曬將網去撥棹入江鄉漁市其一圖竹杖還櫻履層
巒疊嶂秋深榭葉參天夜靜松花滿地 廢箸沉吟輟耕
太息往事都非矣何苦上書北闕侘傺無成種豆南山蕪
荒不治龍爭七澤虎鬪千山釣名釣國終非計便終南捷
徑徒爲爾亟圖翠蔓青藤峭仄枯團放吾軒睡

豐樂樓

辛酉元夜

上元許多往事招蠻賤倦寫對皎皎一片冰輪背人鉛淚
偷瀉記年少心情百種拋來都付傳柑夜月將圓狂到收
燈那宵剛罷 要識狂奴踪跡除是問寶釵羅帕喜人月
一色相看盈盈堆滿簾罽粉墻西火蛾低旋軟幔左飛蟬
頻卸也曾招花朵般人倚風輕罵 誰差詞客去作官人
舊情仍亂惹况今歲鳳城中烟柳外添了萬盞晶籠水邊
斜挂獅蠻假面叅軍雜纓綉帷飄得天街滿更夾路香謎
憑人打鸞鞦獸襖幾群牙帳毬門彈壓紫陌坊瓦 昇平
士女京國樓臺荷九重放假囑閭閻鷄人漫唱月總西沉
人忍空辜舞塲歌榭緩扶薄醉御溝斜轉前門小立偏妬

煞綴犀釘鈿粟繚垣下往來月裡摩挲多被春識絮伊情
話燕京風俗元夜婦女競往前門摸釘爲戲相傳識宜男也

迦陵詞全集卷三十終

跋

先伯兄中年始學爲詩餘晚年尤好之不厭至于贈送應酬往往以詞爲之或一月作幾十首或一韻疊十餘闕解衣盤薄變化錯落幾于昔人所謂嘻笑怒罵皆成文者故多至千餘古今人爲詞之多未有過焉者也伯兄存日有烏絲詞一刻身後京少有天藜閣迦陵詞刻猶非全本蓋至今子萬弟所刻而後洋洋乎大觀矣揚子雲稱雕蟲小技壯夫不爲填詞尤其小者不過聊同棄日差賢博奕耳疇昔之日嘗戲語阿兄云兄詞如此之多不難爲梨棗耶兄笑而頷之假令伯兄至今存恐亦未必盡付鋟板四弟勇往賈銳有進無退以下吏窮官作此舉不量其力幸而成是然而憊矣詩曰豈無他人不如我同父言及益慨然

增崇棣之重也伯兄後死有弟三人乃獨四弟仔之粹成
寄索跋因書以美四弟且誌維岳之愧而已己巳冬杪弟
維岳謹跋

跋

迦陵陳先生詞集三十卷余師子萬先生刊竟小子璠受
讀之喟然曰從來文章爲性命朋友骨肉之遇蓋有天焉
作者固難述者正不易也昔摩詰歿弟縉上詩五百餘篇
輞川得不朽尙友者覽其高義未嘗不慷慨欷歔以爲有
弟如斯夫復何憾先生與余師皆 少保公孫 處士公
子家聲舊矣先生生而穎異少爲黃門舍人樓山吉士諸
前輩所賞識嗣與梅村合肥西樵阮亭豹人宇台文友程
邨諸先生相唱和無不嘆爲驚才絕艷不意先生晚拜一
官遽歿史館余師收其遺帙如儷體詩文咸捐俸彙刻而
詩餘最富蓋千餘闕云靈思杳忽蘸墨欲飛隨筆所之天
機鏗鎔勃發凡可歌可泣者胥寓于詞洵飄飄然空前而

絕後矣夫紅杏花影一經品題便成佳話倘鐵板聲歇卽
蘇髯風流亦難如面也作述之際豈非天哉嗚呼先生往
矣灑氣長存子山無零落之憂者伊維余師之力能不令
人低徊于死生兄弟之間也乎細雨夢回小樓昨夜迎陵
有知應必賦棠棣于九京矣博陵後學吳璠與若謹跋

跋

先伯兄詩古文予于丙寅丁卯兩年節俸金次第付梓惟
詞最富因力不逮至己巳春又鳩工鏤板簿書之暇反復
校讐不禁喟然曰伯兄之詞富矣伯兄之遇窮矣伯兄少
年見家門烜赫刻意讀書以爲謝郎捉鼻塵尾時揮不無
聲華裙屐之好多爲旖旎語未幾鼎革先大人裹足窮
鄉誓墓不出家日以促至丙申先大人棄世家益落且
有視予兄弟以爲釜中魚几上肉者各散而之四方或孤
蓬夜雨輒軻歷落或風廊月榭酒槍茶董或逆旅饑驅或
河梁賦別或千里懷人或一堂燕樂或鬚髯奮張酒旗歌
板詼諧狂嘯細泣幽吟無不寓之于詞甚至俚語巷談一
經鎔化居然典雅真有意到筆隨春風物化之妙計四百

第 35686 号

平成 3.11.22

聖和學

928


園短大

4

図書館

14

一十六調共詞一千六百二十九闕分編三十卷自唐宋
元明未有如吾伯兄之富且工也嗚呼南宋李泳兄弟花
萼詞集後世稱之余少孤失學祿祿無可表見輒爲涕淚
今讀伯兄之詞能不愴予之蕪落而重有愧于前人也哉
康熙二十八年歲次己巳季冬朔八日弟宗石謹跋于安
平官署之彊善堂



Faint rectangular stamp or seal impression, possibly containing text or a logo, located in the upper right quadrant of the page.

周

送陳言全集

卷之七

